

**ՅԵՂԱՍՊԱՆՈՒԹԻՒՆՆԵՐԻ ԾԱՐՔԵՐ.
ՊԱՏՄԱԿԱՆ ՅԻՇՈՂՈՒԹԻՒՆԸ ԵՒ
ԻՆՔՆՈՒԹԻՒՆԸ
ՏԱՐԵԹՈՒԵՐՈՒՄ ՈՒ ՏԵՂԱՆՈՒՆՆԵՐՈՒՄ
(ԸՍՏ ՂԱՐԱԲԱՂԵԱՆ ԾԱՐԺՄԱՆ ՆԻՒԹԵՐԻ)**

ՅԱՐՈՒԹԻՒՆ ՄԱՐՈՒԹԵԱՆ
hmarout@yahoo.com

ՄՈՒՏՔ

Մեր նախորդ մի շարք հրապարակումներում¹ նշուել է, որ հայ հասարակութեան ալտերնատիվ գիմնադիրը մեծապէս ձեւաւորուել է հենց Ղարաբաղեան Շարժման երկուսեկէս տարիների ընթացքում: Շարժումը բերեց արմատական փոփոխութիւններ հայաստանցիների՝ խորհրդային իշխանութեան եօթ տասնամեակների ընթացքում ձեւաւորուած մտածելակերպում, պատկերացումների համակարգում, ու այդպիսով՝ ամբողջութեան մէջ վերցրած, հայոց ազգային ինքնութեան մէջ:

Ուսումնասիրութեամբ փաստուում է, որ հայերի ցեղասպանութեան թեման, ի հետեւանս Ի. դարասկզբի Մեծ Եղեռնի եւ Ի. դարավերջում հայերի նոր կոտորածների ու ջարդերի, Ղարաբաղեան Շարժման տարիներին շարունակում էր մնալ հայոց պատմական եւ հաւաքական յիշողութեան կարեւորագոյն գրսեւորումը:

Շարժման պատկերազրութեան եւ, մասնաւորապէս, ցուցապատառների դիտարկումը միաժամանակ այն համոզմունքն առաջացրեց, որ այդ յիշողութիւնը ձեւափոխման գործընթաց է ապրում: Ի. դարավերջի ճգնաժամից դուրս գալու փորձը զուգակցւում է Ի. դարասկզբի ճգնաժամի յաղթահարման համար մղուող պայքարով, որի գրսեւորումներից մէկն էլ այն է լինում, որ արդարութիւն եւ կարեկցանք հայցող գոհի խորհրդանիշը իր տեղը զիջում է մարտիկի կերպարին: Յառաջացել է նոր գիտակցութիւն՝ թէ ազգային նպատակների իրագործմանը կարելի է հասնել միայն պայքարի ճանապարհով²:

**ՅԵՂԱՍՊԱՆՈՒԹԵԱՆ ԹԵՄԱ. ՏԱՐԵԹՈՒԵՐ ԵՒ ՏԵՂԱՆՈՒՆՆԵՐԻ
ԸՆԴՀԱՆՐԱՑՈՒՄՆԵՐ**

Ղարաբաղեան Շարժման պատկերազրութեան եւ, մասնաւորապէս, ցուցապատառների պատկերազրական լեզուի ստեղծման ժամանակ

յաճախակի կիրառուող մեթոդներից են պատկերագրական մէջբերումները, նշաններն ու, յատկապէս, խորհրդային ու ազգային խորհրդանիշերի օգտագործումը, ալլարանութիւնները, այսպէս կոչուած «կոնցեպտուալ արուեստի սկզբունքը» եւն.³։ Խորհրդանիշերի գործառոյթ էին իրականացնում նաեւ որոշակի տարբեթուեր եւ տեղանուններ, որոնց լոկ նշումը, թուարկումը՝ կատարելով իւրայատուկ «բանայի բառ»ի (keyword) դեր, յաճախ լիուլի բաւարար էր լինում փոխանցելու պատմական մէկ կամ մի քանի ժամանակաշրջանների առնչուող հսկայական տեղեկատուութիւն։

*

Ղարաբաղեան Շարժման մէջ ցեղասպանութեան թեման առաջին պլան եկաւ 1988 Փետրուարի հայերի սումգայիթեան ջարդերից յետոյ, որոնք միանշանակօրէն համադրուեցին 1915ի Հայոց Յեղասպանութեան հետ։ Ի թիւս այդ համադրութիւնն ուղղակիօրէն մատնանշող պատկերագրական ձեւակերպումների, յայտնուեցին ցուցապաստառներ, որոնք կազմուած էին տեղանունների ու տարբեթուերի օգտագործմամբ։

Այսպէս, ցուցապաստառների վերոնշեալ սկզբունքով ստեղծուած մի խմբի մէջ իմաստային բովանդակութիւնը արտածուում է ենթատեքստից, եւ Սումգայիթ տեղանունը կամ այդտեղ կատարուած իրադարձութիւնների տարբեթիւր՝ 1988, տեղադրուում է արդէն իսկ յայտնի ցեղասպանութիւնների շարքում։ Այդպիսին է, օրինակ, «Տէր-Չօր - Սումգայիթ/ոճիրի համար վճիռ»⁴ 1988 ապրիլքսանչորսեան ցուցապաստառը։ Տէր-Չօրը Սիրիայի հիւսիսում, Եփրատի աջ ափին գտնուող Դէյր-էլ-Չօր քաղաքի անուան ձեւափոխուած տարբերակն է։ Այդ շրջանի տօթակէզ անապատները երիտթուրքական կառավարութեան կողմից ընտրուեցին որպէս Արեւմտեան Հայաստանի եւ Օսմանեան կայսրութեան այլ վայրերից տեղահանուող հայութեան մնացորդացի համակենտրոնացման հիմնական վայր։ Այստեղ կենտրոնացուած հայերը մահանում էին ոչ միայն թուրք դահիճների ձեռքից, այլ նաեւ սովից ու համաճարակներից⁵։ 1915-16 այստեղ ոչնչացուեց շուրջ 200.000 հայութիւն։ Թուրքական իշխանութիւնների համար Միջագետքի անապատները խաղացին նոյն դերը, ինչ Երկրորդ Համաշխարհային Պատերազմի ժամանակ Մայդանէկ, Օսվենցիմ, Բուխենվարդ եւ միւս համակենտրոնացման ճամբարները գերմանական Ֆաշիստների համար։ Այսպիսով, միանգամայն օրինաչափ է, որ «Տէր-Չօր» անուանումը դարձաւ Մեծ Եղեռնի հոմանիշներից մէկը։ Ուստի պատահական չէ, որ Ղարաբաղեան Շարժ-

ման ցուցապատառներում, երբ անհրաժեշտ է լինում տեղանքի ձեւով նաեւ 1915 Մեծ Եղեռնի մասին, օգտագործւում է «Տէր-Զօր» տեղանունը:



Յկար 1

ԴԷՐ-ԶՕՐ...ՍՈՒՄԳԱՅԻՔ

Զարմանալի չէ, որ այդ նոյն օրը երեւան եկաւ այս նոյն խմբի մէկ այլ, ուսուարեզու ցուցապատառ, որտեղ ցեղասպանութիւնների շարք ընդգրկուած էր նաեւ Բուխենվալդը՝ "Deyr-Zor Bukhenvald" Sumgait"⁷ («Տէր-Զօր, Բուխենվալդ, Սումգայիք») (նկ. 1) ինչով, թե-րեւս, փորձ էր արւում ցուցել, որ աղբիւրներին կողմից Սումգայիթում իրականացուած ջարդերը հայերը դիտում են նոյն հարթութեան վրայ, ինչ թուրքերի կողմից 1915ին իրականացուած հայերի ցեղասպանութիւնը եւ գերմանական Փաշխտների կողմից համակենտրոնացման

ճամբարներում կազմակերպած տարրեր ազգութեան միլիոնաւոր մարդկանց ոչնչացումը:

Յուցապաստառների այս «ցեղասպանութիւնների շարք» պայմանականորէն առանձնացուող խումբը, թերեւս առաւել ընդգրկուն ձեւով փոխանցւում է 1989 Ապրիլի 24ի տրանսպարանտային հետեւեալ տեքստի միջոցով՝ «... 1915 ... 1988 ... Մինչեւ երբ» (նկ. 2): Այս բանաձեւը մինչեւ 1915ր, ինչպէս նաեւ 1915ի եւ 1988ի, այսինքն՝ Մեծ Եղեռնի եւ սուլճալիթեան եղեռնի միջեւ, եւ այնուհետեւ՝ «միջանցք» է թողնում, այդպիսով արձանագրելով հայերի ցեղասպանութիւնները անցեալում եւ սպասուող՝ ապագայում: Այդ «միջանցք»ը ժամանակային իմաստով գրեթէ ամբողջութեամբ համընկնում է նաեւ խորհրդային իշխանութեան տարիներին, որը, ինչպէս մատնացոյց են անում բազմակէտերը, նոյնպէս զուրկ չէր Շարժման տարիներին իրրեւ ցեղասպանութիւն ընկալուող երեւոյթներից: Այդ մասին ամենատարրեր ձեւերով նշում են այս դասի միւս ցուցապաստառները:



Նկար 2

«Ցեղասպանութիւնների շարք»ի գաղափարը պատկերային (համակցուած թուայինի հետ) առումով ընդհանրապէս փոխանցւում է երկու ձեւերով՝ ցեղասպանութեան գոհերի սխեմատիկ պատկերներով եւ քարտէզների միջոցով: Օրինակ, Օպերայի հրապարակում գտնուող Ալեքսանդր Սպենդիարեանի արձանի պատուանդանին (որը Շարժման առա-

ջին իսկ օրերից Թատերական հրապարակի «պլակատակերտ» անձանց սիրած տեղն էր) 1988 Յունիսին ամրացուած պլակատուժ պատկերուած էին եաթադանով առանձնացած երկու խուժք մարդկանց ուրուանկարներ (նկ. 3): Խմբերն իրենցից ներկայացնում էին թերեւս ողջ հայ բնակչութիւնը՝ ուրուապատկերներով կարելի է ճանաչել բոլոր տարիքի տղամարդկանց եւ կանանց, իսկ հագուստի ձեւուածքը համապատասխանում է տարեթուերին՝ «1915» եւ «1988», որոնք գրուած են խմբերի վերեւում, իսկ ներքեւում պատկերուած են համապատասխանաբար Թուրքիայի եւ Ադրբեջանական ԽՍՀի դրօշները: Մարդկանց խմբերի վերեւում գրուած է համապատասխանաբար «1500000» եւ դրուած է հարցական նշան, իրրեւ 1915ի ցեղասպանութեան զոհերի թիւ եւ Սումգայիթում զոհուածների անյայտ թիւ:



Նկար 3

Այս պլակատին կից ամրացուած էր մէկ այլ պլակատ, որը փոխանցում էր շարունակուող ցեղասպանութիւնների նոյն գաղափարը, սակայն ի տարբերութիւն նախորդի, 1915 եւ 1988 թուերի միջեւ նշուած էր 1937 տարեթիւը (նկ. 3): Տարեթուերի այս նոյն եռեակով մի տրանսպարանտ արձանագրուել է Եղեռնի զոհերի յուշարձանի մերձակայքում նոյնպէս 1988ին, սակայն Ապրիլի 24ին (նկ. 4):

1937 տարեթիւը միլիոնաւոր մարդկային կեանքեր (վերջին տուեալներով՝ 1937-38ին բռնադատուել է 1,4-1,6 մլն. մարդ, որոնցից շուրջ 700000ը գնդակահարուել են⁸⁾ տարած ստալինեան բռնութիւնների գազաթնակէտի տարեթիւն էր եւ, այդպիսով, Խորհրդային Միութեան բոլոր ժողովուրդների (եւ ոչ միայն հայերի) մեծագոյն մարդկային կորուստների խորհրդանիշ: Վերջին շրջանի ուսումնասիրութիւնները ցոյց

են տալիս⁹, որ ըստ ՀՀ Ազգային Անվտանգութեան Նախարարութեան տուեալների, միայն 1937-38ին Հայաստանում բռնադատուել է 8104 մարդ, որոնցից գնդակահարութեան է դատապարտուել աւելի քան կէսը՝ 4530 մարդ¹⁰: Սակայն Խորհրդային Միութեան մասշտաբով բռնադատուած հայերի թիւը, ամենայն հաւանականութեամբ, աւելի շատ է եղել, քանզի որոշ բանաւոր տուեալների համաձայն, Հայաստանի հարեւան հանրապետութիւններում «պլանը» կատարում էին հայերի հաշուին: Միւս կողմից, ըստ Արմենակ Մանուկեանի՝ «1930-1940 թթ. ստալինեան բռնաճնշումների զոհ են դարձել Հայաստանի մօտ 18 հազար բնակիչներ: Եթէ դրան աւելացնենք վերջիններիս ընտանիքների անդամներին, ընկերներին, հարազատներին հասցուած բարոյաւորական եւ այլ վնասները, ապա կարելի է պատկերացնել, թէ դա ինչպիսի աղետ էր բաւականին փոքրաթիւ ազգաբնակչութիւն ունեցող հանրապետութեան համար»¹¹:



Նկար 4

1988 յունիսեան վերոնշեալ պլակատում (նկ. 3) ցեղասպանութիւնների տարեթուերը գրուած են վահանների վրայ, որոնք իրենց առջեւ պահում են գինուորական համազգեստով մարդիկ, ընդ որում, ինչպէս եւ նախորդ պլակատումն էր, այստեղ եւս հագուստը (տուեալ դէպքում՝ գլխի յարդարանքը) համապատասխանում է վահանի վրայ նշուած ժամանակաշրջանին՝ 1988 գրութեամբ վահանի ետեւում կանգնած գինուորը կրում է խորհրդային սաղաւարտ աստղով, իսկ նրա 1937 գրութեամբ վահանի ետեւում գտնուող հարեւանին կարելի է ճանաչել տանկիստի այդ ժամանակաշրջանին բնորոշ գլխարկի ձեւուածքով: 1915 գրու-

Թեամբ վահանի ետեւում գլխի անորոշ յարդարանք է երեւում, որում սիրող նկարիչը, դատելով պլակատի տրամաբանութիւնից, ցանկացել էր պատկերել օսմանեան ժամանակաշրջանի գինուորական գլխարկ, սակայն նրան կա՛մ յայտնի չէր այդպիսի գլխարկի նախատիպը, կա՛մ այդ նկարելը պարզապէս չէր յաջողուել: Բնութագրական է, որ 1988 գրութեամբ վահանին յաջորդում է մէկ այլ վահան, որի վրայ գրուած չէ որեւէ տարեթիւ, սակայն դրա ետեւում նոյնպէս խորհրդային գինուորի սաղաւարտ է երեւում: Այդպիսով այս պլակատը իւրովի է ներկայացնում ապագայում հնարաւոր ցեղասպանութիւնների շարունակութիւնը, իսկ առանց թուականի վահանը փաստօրէն գրաֆիկօրէն իրականացնում է մեզ արդէն ծանօթ «... 1915 ... 1988 ...» տրանսպարանտային բանաձևի վերջին բազմակէտի գործառոյթը: Վահանների շարքի պատի դիմաց մի տղամարդ է պատկերուած, որի դէպի դիտողը շրջուած կիսադէմը արտացոլում է ցաւ եւ տխրութիւն: Նրա մէջքին պատկերուած են մուրճ ու մանգաղ, այսինքն նկարիչը շեշտում է, որ բռնի ճնշումների ենթարկուած տխուր հայ մարդը հանդիսանում է ԽՍՀՄ օրինապահ քաղաքացի: Այն, որ այդ մարդը հայազգի է, հասկացւում է ողջ պլակատի հենքին իրականացուած Հայաստանի եւ Ղարաբաղի քարտէզների ուրուանկարից:

Քարտէզները ոչ միայն հենք էին ծառայում, այլեւ յաճախ իրենք էին կրում հիմնական իմաստային ծանրաբեռնուածութիւնը, մասնաւորապէս, հետեւողականօրէն իրականացուող ցեղասպանութիւնների գաղափարը ներկայացնելու համար: Օրինակ, 1988 Յունիսի սկզբին յայտնուած եւ Օպերային թատրոնի պատին երկար ժամանակ ամրացուած պլակատն իրենից ներկայացնում էր Անդրկովկասի քարտէզը՝ կից տարածքներով (նկ. 5): Բնութագրական է պլակատի գունային լուծումը. Հայաստանն ու Ղարաբաղը ներկուած են կարմիր գոյնով (որը արեան եւ տառապանքի գոյնն է), Ադրբեջանն ու Թուրքիան՝ սեւ, որի մռայլ գոյնը պերճախօս ձեւով բացատրւում է Թուրքիայի եւ Ադրբեջանի տարածքներում առկայ մէկական դեղին գոյնի գանգերով ու ոսկորներով ու դրանց ուղեկցող տարեթուերով՝ համապատասխանաբար «1915» եւ «1988»: Ընդ որում, առաւել պարզութեան համար Ադրբեջանի քարտէզում նշուած են երկու դեղին շրջանակներ՝ մեծ եւ փոքր, որոնք, դատելով նրանց տեղադրումից, մատնանշում են մայրաքաղաք Բաքուն եւ մօտակալքում գտնուող Սումգայիթը: Ռուսաստանն ու Վրաստանը ներկուած են չէզոք գորշ գոյնով: Է՛լ աւելի չէզոք՝ սպիտակ գոյնով է ներկուած Իրանի տարածքը: Նախիջեւանի ինքնավար Խորհրդային



Նկար 5

Սոցիալիստական Հանրապետութիւնն ու Լեռնային Ղարաբաղի Ինքնավար Մարզը չնայած ներկուած են «հայկական» կարմիր գոյնով, սակայն «բանտարկուած են», քանի որ նրանց տարածքները վանդակների մէջ են վերցուած, եւ յիշեցնում են բանտային ճաղեր:

Նմանատիպ մէկ այլ, 1988 աշնանային ուսարեգու քարտէզ-պլակատում (նկ. 6) գոհերի խորհրդանիշ հանդիսացող գանգերի դերը կատարում է սպանութիւնների իրականացման գործիքը՝ կացինը, որից արին է ծորում: Յեղասպանութեան տարեթուերն այստեղ լրացուած են գոհերի քանակը նշող թուերով. Թուրքիայի տարածքի վրայ գրուած է «1915» եւ «1500000», իսկ Ադրբեջանի տարածքի վրայ յայտնուում են նոր ցեղասպանութիւնների վայրերը դրանց իրականացման տարեթուերով ու գոհերի քանակով՝ «Բաքու 1918 30.000», «Շուշի 1920 20.000», «Սումգայիթ 1988 ?», «Ճոզալու 1988 ?»¹²:

*



նկար 6

Յեղասպանութիւնների շարքի «դասական» ցուցապատառի օրինակ է 1988 Յունիսի 15ին օգտագործուած պլակատը: Այդ օրը գումարուած էր Հայկական ԽՍՀ Գերագոյն Խորհրդի նստաշրջանը, նուիրուած ԼՂԻՄը Հայաստանին վերամիաւորելու հարցին: Երեւանի Բաղրամեան պողոտայում առկայ մարդկանց բազմահազար բազմութիւնը պահանջում էր ոչ միայն դրական որոշման ընդունում ԼՂԻՄի հարցի մասին, այլեւ Սումգայիթում կատարուածը որակել որպէս ցեղասպանութիւն¹³: Առկայ պլակատների, տրանսպարանտների, սումգայիթեան եղեռնագործութեան զոհերի մեծադիր լուսանկարների շարքում կար մի ռուսարեգու պլակատ (նկ. 7) հետեւեալ բովանդակութեամբ՝ «... Obezglavili turki tseliy narod. Khoteli ostavit odnogo armyanina, i to ... dlya muzeya ...» (...թուրքերը գլխատեցին ողջ ժողովուրդը. ցանկացան թողնել մէկ հայ, եւ այն էլ...թանգարանի համար...)»¹⁴: Տեքստայինից գատ, այս պլակատն ունի շարունակութիւն, որը կարծես ասուածի պատկերային եւ թուային-տեղանքային հաստատումն է եւ այդ պատճառով էլ մենք որակում ենք «դասական»՝ դիտարկուող թեմայի համար. տեքստի տակ առկայ մասը բաժանուած է երեք հատուածի, որոնցից մէկում նշուած են հայկական կոտորածների իրականացման տարեթուեր, այնուհետեւ թուրքական եաթաղան է պատկերուած ու նշուած է այդ եաթաղանի զոհ մարդկանց քանակը եւ ա՛յն բնակավայրի ռուսերէն անունը (համապատասխանաբար՝ Բաքու, Շուշի, Սումգայիթ), որտեղ իրականացուել է ցեղասպանութիւնը՝ «1895-96 500000, 1915

1500000, 1918 (Baku) 30000, 1920 (Shushi) 35000, 1988 (Sumgait)
26...?»:



Նկար 7

ՆԱԽՕՐԻՆԱԿ ՄԻ ՊԼԱԿԱՏ

Նկատենք, որ ինչպէս այս, այնպէս էլ վերը յիշուած «Յեղասպանութիւնների շարք»ի նմանատիպ պլակատները ունեցել են իրենց նախորինակը (կամ նախորինակները) գուցէ հեռւոր 1920ականներին: Այսպէս, ԱՄՆում հրատարակուած մի պլակատ¹⁵ (նկ. 8) ունի հետեւեալ վերնագիրը՝ «The Armenian Massacres from Sultan Abdul Hamid to Mustafa Kemal Pasha», որի տակը շարադրուած է կոտորածների տխուր «ցուցակը»՝ «1895 - 300.000 - In Turkish Armenia; 1909 - 30.000 - In Cilicia; 1915 - 1.500.000 - In Turkish Armenia, Kars, Alexandrapol; 1918 - 30.000 - In Baku; 1919 - 10.000 - In Kunjular; 1921 - 20.000 - In Hajun; 1922 - 10.000 - In Izmir»: Ցուցակի ներքոյ պատկերուած է թուրք ոճրագործը, ում ձեռքի եաթաղանից արիւն է կաթում: Սրան ձեռքի շարժումով կանգնեցնում է «USSR (Russia)» գրութեամբ հագուստ կրող եւ նորաստեղծ ԽՍՀՄը խորհրդանշող կինը, որն իր պաշտպանութեան տակ է վերցրել հայ որրուկին, որը կրում է «Armenia» մակագրութեամբ ցնցոտիներ: Այս ամէնի տակը մակագրուած է՝ «A Friend at Last»: Այս պլակատի եւ Ղարաբաղեան Շարժման տարիների համանման պլակատների միջեւ թերեւս մէկ սկզբունքային տարբերութիւն կայ միայն, այն է՝ Շարժման ցուցապաստառներում բացակայում է օտարազգի փրկարարի, ազատարարի կերպարը, նրան փոխարինելու է գալիս հայ ազատամարտիկը, զինուորը:

Այս պլակատը վստահարար յայտնի է հայաստանեան հասարակութեանը 1965ից ի վեր՝ Արամայիս Մնացականեանի Հայ Ժողովրդի Ոգրերգութիւնը Ռուս Եւ Համաշխարհային Հասարակական Մտքի Գնահատմամբ աշխատութեան տպագրութեան շնորհիւ (տպաքանակը՝ 15000): Այստեղ էջ 161ին նախորդող էջում տեղադրուած է յիշատակուող պլակատի վերարտադրութիւնը, եւ լուսանկարի ներքեւում մակագրուած է. «Ամերիկայում առաջադէմ գործիչների հրատարակած պլակատ, որում անգլերէն տպուած են 1895-1922 թթ. հայկական ջարդերի մասին տուեալները եւ նկար՝ ՍՍՌՄ-ը ետ է սղում թուրքական կիսալուսինն ու եաթաղանը եւ պաշտպանում բզկտուած Հայաստանին»: Գրքի հեղինակը չի գրում, թէ ե՛րբ է հրատարակուած պլակատը կամ որտեղի՛ց է վերցուած դրա արտատպութիւնը: Մեզ մնում է ենթադրել, որ պլակատը ծագումնաբանօրէն առնչութիւն ունի Մնացականեանի յիշատակած (էջ 64-65) մէկ այլ տեղեկագրի (գրքի) հետ՝ Թուրքական Բռնակալներ, լոյս տեսած Նիւ Եորքում անգլերէն ու հայերէն, 1963ին: Նման ենթադրութեան համար հենք է ծառայում այն փաստը, որ այդ

THE ARMENIAN MASSACRES FROM SULTAN ABDUL HAMID TO MUSTAFA KEMAL PASHA

1895 - 300,000 - In Turkish Armenia
1909 - 30,000 - In Cilicia
1915 - 1,500,000 - In Turkish Armenia, Kara-

Alexandrapol

1918 - 30,000 - In Baku
1919 - 10,000 - In Kunjuler
1921 - 20,000 - In Hajun
1922 - 10,000 - In Izmir



A FRIEND AT LAST

նկար 8

գրքում բերուած (եւ Մնացականեանի կողմից մէջբերուած) ԺԹ.-ի. դա-
րերում թուրքերի կողմից պարբերաբար կազմակերպուած կոտորածնե-
րի զոհերի թուաքանակների, նաեւ բնակավայրերի (տարածաշրջաննե-
րի) անուանումներից եւ կոտորածների իրականացման տարեթուերից
մի քանիսը նոյնութեամբ տեղ են գտել դիտարկուող պլակատում: Խօս-
քը վերաբերում է Բաքուի, Քուստուլարի, Հանքենի եւ Չմիւռնիայի կո-
տորածների տարեթուերին եւ զոհերի թուերին: Մեզ այնպէս էլ չյաջող-
ուեց գտնել թուրքական Բռնակալներ գիրքը, որպէսզի փորձէինք
ստուգել մեր ենթադրութեան ճշմարտացի լինելը:

Ինչեւիցէ, առկայ է պլակատ, այն արտայայտում է հայութեան որո-
շակի պատկերացումներն իր ոչ-հեռաւոր անցեալի արիւնոտ դրուագնե-
րի շուրջ: Այն, ըստ երեւոյթին, նախօրինակ է ծառայել նման կառուց-
ուածք ունեցող այլ պլակատների համար, ուստի եւ կարիք է զգում
մանրամասն դիտարկման, ինչն էլ փորձ է արուելու ներկայացնել ստո-
րեւ:

Պլակատում առկայ են մի շարք անճշտութիւններ, որոնց կ'անդրա-
դառնանք ստորեւ՝ պլակատի առանձին մասեր հատ-հատ քննարկելուց:

*

1877-78 ուսու-թուրքական պատերազմից յետոյ առաջացած «հայկա-
կան հարց»ը յետագայ տարիներին դադարել էր Օսմանեան տէրութեան
ներքին հարց լինելուց եւ վեր էր ածուել եւրոպական պետութիւնների
կողմից տնտեսական ու քաղաքական նպատակներով օսմանեան կառա-
վարութեան վրայ ճնշում գործադրելու միջոցի: Օգտուելով թուրքիայի
հարցում մեծ տէրութիւնների միջեւ առկայ հակասութիւններից եւ
ձգտելով հասնել երկրի ներքին համախմբմանը՝ այդ թւում մահմեդա-
կան մոլեռանդութեան բորբոքման միջոցով, սուլթան Աբդուլ Համիդ
Բ.-ը որոշում է պարտադրուող բարեկարգումների փոխարէն երկրի ներ-
քին թշնամիների՝ հայերի զանգուածային կոտորածներ կազմակերպել:
Նկատենք, որ 1890ականների կոտորածների շարքի համար հայ պատմա-
գրութեան մէջ օգտագործուում են 1893-97, 1895-96 եւ, առաւել ընդուն-
ուած, 1894-96 ժամանակային շրջանակները, բայց ոչ հենց միայն 1895
թիւր: Ինչեւիցէ, որոշուեց այդ քաղաքականութեան կիրառումը սկսել
Սասունից: Այստեղ մղուող կռիւների ընթացքում, 1894 Օգոստոսից
մինչեւ 1895 սպանուեցին շուրջ 10 հազար հայեր: Թուրքական իշխանու-
թիւնները որոշում են հայերի ջարդեր կազմակերպել ոչ միայն Արեւմտ-
եան Հայաստանում, այլեւ կայսրութեան գրեթէ բոլոր հայաշատ
շրջաններում ու նաեւ այդ կերպ փորձել լուծել Հայկական Հարցը,

գրկել հայերին երկրում ունեցած տնտեսական հզոր լծակներից, կանգնեցնել յեղափոխական կազմակերպութիւնների գործունէութեան աշխուժացումը: 1895 Սեպտեմբերին, օգտագործելով Կ. Պոլսում հայերի խաղաղ ցոյցի փաստը, քաղաքում կոտորուեց շուրջ 2 հազար մարդ, Հոկտեմբերից-Նոյեմբեր կոտորածները շարունակուեցին Տրապիզոնում, Բիթլիսում, Երզնկայում, Արարկիրում, Գիւմրիւշխանէում, Կարինում, Տիգրանակերտում, Բալուում, Ակնում, Շապին-Գարահիսարում, Խարբերդում, Ուրֆայում եւ այլուր: Պոլսի Հայոց Պատրիարք Մ. Իգմիրլեանի խօսքերով, «ամբողջ հայ ժողովուրդը սուլում է արեան մէջ»:

Զինուած պայքարով յաղթանակի հասան զէյթունցիները, սակայն այն յաջողութեամբ աւարտուեցին ինքնապաշտպանական կռիւները Վան-Վասպուրականում, Մալաթիայում, Չարսանջակում: 1896ին կրկին կոտորուեցին Պոլսի հայերը: 1894-96ին կոտորուածները սովորաբար հաշւում են 300 հազար մարդ (որոշ հետազօտողներ՝ 500 հազար, 200 հազար, 250 հազար), բռնի մահմեղականացուածների թիւը՝ 100 հազար: Կոտորածներին ուղեկցեց ու յաջորդեց զանգուածային արտագաղթը՝ շուրջ 100 հազար հայեր տարագրուեցին այլ երկրներ¹⁶:

*

Ա. Համաշխարհային Պատերազմի նախօրեակին Կիլիկիայում կար մօտ 205 հազար հայութիւն: Քաղաքներից ամենանշանաւորը Ադանան էր, որն ունէր 66 հազար բնակիչ, որոնցից 22 հազարը հայեր էին¹⁷:

1908 Յուլիսին տեղի ունեցաւ երիտթուրքական յեղաշրջումը, որը մեծ յոյսեր եւ պատրանքներ առաջացրեց թուրքիայի բնակչութեան, այդ թւում՝ հայերի շրջանում: Գերազանցապէս հայաբնակ Կիլիկիան, որ համեմատաբար զերծ էր մնացել 1894-96ի համիդեան կոտորածներից, ազգային կեանքի աշխուժացմամբ, հայերի նիւթական բարեկեցութեան աճի եւ առեւտրի ու արհեստագործութեան բնագաւառում հայերի գերազանցութեան շնորհիւ դեռեւս 1906-1907ին իր վրայ է գրաւում թուրքական կառավարութեան ուշադրութիւնը: Մահմանադրութեան վերահաստատումից դժգոհ ուժերը արդէն 1908ին Ադանայում սկսեցին բորբոքել կրօնամոլ, մոլեռանդ թուրք յետադիմական տարրերին, ինչը բերում է հայկական ջարդերի սպառնալիքի աճ¹⁸: Ադանայի առաջին ջարդը սկսւում է 1909 Ապրիլի 1ին, Արդուլ Համիդ Բ-ի կողմից իշխանութիւնը վերագրաւելու (այսպէս կոչուած «յետադիմական շարժման») յաջորդ օրը: Թուրքերը շուկայում յարձակւում են հայերի վրայ, թալանում նրանց խանութները, ապա եւ կոտորում: Չարդերը շարունակւում են քաղաքի հայկական թաղամասերում, որին հետեւում է դրանց հրդե-

հումբը: Առաջին կոտորածներն աւարտուում են երեք օր անց եւ բաւականին անսպասելի. «Չի նուորները՝ որ ջարդէն առաջ իբր թէ փոքրաթիւ խուժանը չէին կրցած զսպել, ջարդէն ետքը անոր տասնապատիկը ատելի եղող ահագին խուժանը զսպեցին կէս ժամուան մէջ...»¹⁹: Այս հանգամանքն էլ թոյլ է տալիս հայերին եզրակացնել, որ ամէն ինչ տեղի էր ունենում կառավարութեան գիտութեամբ²⁰: Ապրիլի 12ի երեկոյեան, երիտթուրքերի կողմից Կարմիր Սուլթանին զահրնկեց անելու նախորդ օրը, արդէն երիտթուրքական բանակային զնդերի մասնակցութեամբ, հայկական ջարդերը վերսկսուում են: Իր մասշտաբով («հազարաւոր դիակներու կոյտերով լեցուած փողոցներ»²¹), սպանդի դաժանութեամբ, աւարի ու կողոպուտի սաստկութեամբ այս երկրորդ փուլն աւելի ահաւոր ու սահմակեցուցիչ էր: Աղանայի կոտորածներին զուգընթաց, ջարդեր տեղի ունեցան նաեւ վիլայէթի հայարնակ այլ վայրերում, մասնաւորապէս Տարսոնում, Մամեստիայում, Համիդիէում, Օսմանիէում, Մերսինում: Աւերածութիւնների, թալանի ու կոտորածների ենթարկուեցին նաեւ Հասան Բէյլին, Լաթաքիան, Այասը, Այնթապը, Անտիոքը եւն.: Տեղ-տեղ հայերը դիմում էին ինքնապաշտպանութեան, որը երբեմն պսակւում էր լիակատար յաղթանակով: Դիմադրութիւն կազմակերպուեց ինչպէս Աղանայի մի քանի թաղերում, նոյնպէս եւ Դէօրթ-Շոլում, Շէյխ-Մուրադում, Սիսում, Հաճընում, Հասան-Բէյլիում եւ այլուր:

Աղանայի կոտորածներն իրենց ձեւերով, իրագործման վայրերի եղանակներով, ահաւոր մեթոդներով ցնցեցին ողջ աշխարհը. «Հարուածը՝ ծանր, արիւնը՝ յորդահոս, եղեռնը՝ քստմնելի ու տառապանքը անհանդուրժելի: - Ահա ա՛յն վիճակը, որուն ենթարկուեցաւ Ատանա, իր շրջակայքով ...»²²: Ականատեսների վկայութեամբ, «Որոշ զոհեր ենթարկում են մի ամբողջ շարք կտտանքների, որոնք կատարում են յոյժ անբասիր արուեստով, որպէսզի ատելի երկարացնեն նահատակի կեանքը եւ դրանով իսկ երկարացնեն իրենց բաւականութիւնը. նրանց խեղում են դանդաղօրէն, չափաւոր, քաշելով եղունգները, կտորելով նրանց մատները, շիկացած երկաթով դաջելով նրանց մարմինները, գանգից քերթում են նրանց գլխամաշկը, ի վերջոյ նրանց վերածում են խիստի, որ նետում են շներին ի կեր: Ոմանց ոսկորներն են մի քիչ կոտորում, ոմանց խաչում են կամ վառում որպէս ջահ: Չոհի շուրջը հաւաքում է ամբոխը, որը զուարճանում է՝ նայելով այդ տեսարանին եւ ծափահարում խոշտանգուողի ամէն մի շարժման հետ»²³:

Կիլիկեհայութեան մարդկային կորուստները, ըստ տարրեր աղբյուրների, եղել են աւելի քան 20 հազար, շուրջ 30 հազար, կամ 35 հազարից աւելի²⁴ : Յակոբ Թերզեանը, վկայակոչելով «Կիլիկիոյ աղետին մէջ զոհուածներու» Ազգային Քննիչ Մասնախմբի հաշուումները, բերում է 18839 թիւը²⁵ : Եթէ սրան գումարւում են Կիլիկիայի թուրքարնակ գիւղերում կոտորուած շուրջ 10300 հայազգի արտագնաց մշակները, ապա «անվերապահօրէն պիտի համաձայնուել այն եզրակացութեան հետ, որ Կիլիկիայում 1909 թ. թուրքական ոճրագործների կողմից կոտորուել է շուրջ 30 հազար հայ»²⁶ : Կիլիկիայի հայերի կոտորածները համիդեան եւ երիտթուրքական կառավարութիւնների կողմից որոշակիօրէն մշակուած հայաջինջ ծրագրի կոնկրէտ իրագործումն էին, հայոց Մեծ Եղեռնի նախերգանքը²⁷ :

*

Ըստ ցուցապաստառի տրամաբանութեան, ստացւում է, որ 1915ին հայերի կոտորածներ են եղել նաեւ Կարսում ու Ալեքսանդրապոլում : Իրականում այս քաղաքներում ու նրանց շրջակայքում կոտորածներ եղել են 1918ին եւ 1920ին : Անդրադառնանք փաստերին :

1917ի Հոկտեմբերեան Յեղափոխութիւնից յետոյ, Արեւմտեան Հայաստանի տարածքում գտնուող ռուսական բանակի մեծագոյն մասը վերադարձաւ հայրենիք : Նրանց փաստօրէն փոխարինեցին 1918 Յունուարին ձեւաւորուած, սակայն դեռ ոչ լրիւ համալրուած, հանդերձաւորուած եւ զինուած լոկ հայկական առանձին բանակային կորպուսի զօրամասերը : Ռազմաճակատի մի շարք հատուածներում մէկ գնդին որպէս պաշտպանութեան բնագիծ տրուած էր մօտ 300 կմ. ճակատ : Այդպիսի անբարենպաստ պայմանները թուրքերն օգտագործեցին իրենց պանիսլամական եւ պանթուրքական ծրագրերի իրականացման համար : 1918 Փետրուարի 10ին, խախտելով Երզնկայի զինադադարը, թուրքական զօրքերն անցան յարձակման եւ ամսուայ վերջին գրաւեցին էրզրումը, իսկ Ապրիլի 10ին՝ Սարիղամիշը : Հայկական զօրքերի բարոյական թուլութեանը եւ կանխորոշուած նահանջելու անկումային տրամադրութիւններին նպաստում էր նաեւ Անդրկովկասեան Կոմիսարիատի, ապա եւ Մէյմի դաւաճանական քաղաքականութիւնը : Արդիւնքում Կարսը Ապրիլի 26ին, առանց լուրջ դիմադրութեան, յանձնւում է թուրքերին²⁸ : Կարսի ու շրջակայքի ամբողջ բրիտանական ազգաբնակչութիւնը (188 հազար մարդ), որը հիմնականում բաղկացած էր հայերից, վախենալով նոր ջարդից, զօրքերի հետ միասին թողնում է քաղաքը²⁹ : Ա. Յարութիւնեանի համաձայն, «Աարսում թուրքերը պահել էին հայ

սպաներին, զինուորներին ու մի քանի հազար այլ մարդ եւ բոլորին ոչնչացրել»³⁰։ *Կարսի անկումով Ալեքսանդրապոլի պաշտպանութեան հարցը շատ էր բարդացել։ Հայկական զորքերի ղեկավարներն այն սխալ մտայնութիւնն ունէին, թէ թուրքերը Արփաշաշը չէին անցնի։ Արդիւնքում՝ կարգին պաշտպանութիւն չկազմակերպուեց եւ Մայիսի 15ին, անսպասելի յարձակմամբ, թուրքական զորքերը գրաւեցին Ալեքսանդրապոլը, ապա եւ շրջակայքի գիւղերը։ Փաստաթղթերից մէկում վկայուած է, որ գաւառի Մեծ Ղարաքիլիսա գիւղի «ձորերում եւ անտառներում սրածուրեան եւ գնդակահարութեան են ենթարկուել մօտ 20 հազար տղամարդ ...։ Առհասարակ, Ալեքսանդրապոլի շրջանի 120ից ատելի հայաբնակ գիւղերից ... եւ ոչ մէկը գերծ չի մնացել տաճկական ատերիչ ու կործանիչ սրից ու եաթաղանից։ ... Երկիրը լի է այրիներով, անհայր ու անմայր քաղցած որբերով»³¹։ Մէկ այլ փաստաթղթում նշուած է, որ Ալեքսանդրապոլի գաւառում «թուրքական կանոնադր զօրամասերը, իրենց դաշնակիցների՝ մուսուլմանական հրոսակների հետ, անասելի վայրագութիւններ կատարեցին. կանանց բռնաբարում ու երեխաների պղծում, տղամարդկանց մեթողաբար զանգուածային բնաջնջում ... միմեանց կապկպած հարիւրաւոր խաղաղ բնակիչների գնդակահարութիւն, սարսափներ, որոնք անհնար է նկարագրել։ ... Ջրհորները, փոսերը, ձորերը, գետերն առ այսօր էլ լի են սպանուածների նեխած դիակներով։ Ալեքսանդրապոլի գաւառի տեղերում մնացած բնակչութիւնից, որը չէր հասցրել փախչել, ատելի քան 10 հազար երիտասարդներ քշուեցին Թուրքահայաստանի խորքը՝ դէպի Էրզրում, որտեղ նրանք զոհուեցին ասկեարների գնդակներից, սովից, ցրտից ու հիւանդութիւններից ...»³²։*

1920 Մեպտեմբերին քեմալական Թուրքիայի արեւելեան զօրաբանակը, զգալիօրէն ուժեղացած Ռուսաստանի տրամադրած մեծ քանակութեամբ զէնք ու զինամթերքով, պատերազմ սկսեց Հայաստանի Հանրապետութեան դէմ, խնդիր ունենալով ոչ միայն ոչնչացնել երկրի պետականութիւնը, այլեւ իրագործել արեւելահայութեան ցեղասպանութիւնը։ Թուրքական աւելի քան 50 հազարանոց զինուժի դէմ կանգնած 35-40 հազարանոց հայկական բանակն՝ այդ ժամանակ ոչ-մարտունակ էր, բարոյալքուած, դասալքութեամբ թուլացած, ինչում որոշակի դեր ունէր նաեւ հայ բոլշեւիկների քարոզչութիւնը, որը Քեմալական Շարժումը համարում էր «ազատագրական», իսկ թուրքերին ներկայացնում էր որպէս «բոլշեւիկների դաշնակիցներ, սովետական իշխանութեան կողմնակիցներ», որոնք պաշարում են ոչ թէ հայ ժողովրդի, այլ Ան-

տանտի հաւատարիմ գործակալների՝ դաշնակ պարագլուխների դէմ³⁴։ Այս սխալ քարոզչութեան հետեւանքով Ալեքսանդրապոլի գաւառի գիւղացիները աղ ու հացով էին դիմաւորում թուրք ասկերներին³⁵։ Որպէս բոլշեւիկներ էին ներկայանում նաեւ թուրքերը³⁶։ Անտանտի երկրները մերժեցին որեւէ օգնութիւն ցուցաբերելու Հայաստանի խնդրանքը³⁷։ Գրաւելով Սարիղամիշն ու Կաղզուանը, Հոկտեմբերի 30ին թուրքերը՝ առանց լուրջ դիմադրութեան հանդիպելու, մտան Կարս, Նոյեմբերի 7ին՝ Ալեքսանդրապոլ։

Կարսում, ականատեսների վկայութեամբ, թուրքերը երեք օր շարունակ սպանում էին բացառապէս հայերի բազմաթիւ հայուհիներ իրենց նետում էին Կարս գետը թուրքերի ձեռքը չընկնելու համար։ Թալանուել էին հայերի խանութները, տները, գոյքը։ Քաղաքում ընդհանուր առմամբ կոտորուել է շուրջ 10-12 հազար մարդ (այլ տուեալներով՝ 4 հազար)։ Կալանաւորուած հայ տղամարդկանց՝ շուրջ 3 հազար հոգի, ամբողջովին մերկացնելուց յետոյ, մի մասին ուղարկել են Սարիղամիշ, միւսին՝ էրզրում, պարտադիր աշխատանքների յետագայում ստացուած տուեալների համաձայն, նրանց մեծ մասը զոհուել էր։ Ալեքսանդրապոլում եւ գաւառի գիւղերում³⁸ (որտեղից թուրքերը հեռացան միայն 1921 Ապրիլին) համաձայն քաղաքի Յեղկոմի Յատուկ Յանձնաժողովի հետազօտութեան, հայերի զոհերը կազմել են շուրջ 60 հազար մարդ, եւս շուրջ 25 հազարը մահացել են սովից, վիրաւորների թիւը կազմել է շուրջ 40 հազար, աւելի քան 20 հազար հոգի քշուել է գերութեան։ Ալեքսանդրապոլից մինչեւ Նայրանդ կայարանը ընկած հատուածում ոչնչացուել է 140 հայկական գիւղ, գլխովին սրի են քաշուել 18-45 տարեկան բոլոր տղամարդիկ³⁹։ Այլ տուեալներով, 1920-21ին Արեւելեան Հայաստանում թուրքերը ոչնչացրել են շուրջ 198 հազար հայ⁴⁰։

*

Յուցապաստառում անգլերէնով նշուած է Կուլնջուլար բնակավայրը, ուր 1919ին տեղ գտած կոտորածներին, ըստ պլակատի, զոհ են գնացել շուրջ 10 հազար հայեր։ Նման անուամբ բնակավայր մեզ յայտնի չէ։ Մակայն, եթէ առաջնորդուենք այն ենթադրութեամբ, որ թուրքական Բռնակալներ գրքի Քընջիվլարը նոյն Կուլնջուլարն է, ապա կ'ուեննանք գոնէ դիտարկուող բնակավայրի հայերէն համարժէքը։ Հնչողութեամբ սրան բաւականին մօտիկ է (թուրքերէնում «ու»ն եւ «ը»ն յաճախ գրեթէ նոյն ձեւով են հնչում) Մարմարա ծովի ափին տարածուած Նիկոմիդիայի կամ Իզմիթի գաւառի Գընճըլար⁴¹ (անունն աստիճանաբար է ձեւա-

փոխուել՝ Կրնճրյու, Գանճալար, Խանճալար, Խրնճրյար: Անուանումը համարում է աղաւաղում «Գանճաճրյար» ձեւի) հայարնակ բնակավայրը, որի գլխաւոր հիմնադիրներն են համարում 1577ին Կարնոյ Դւնիկ գիւղից, ապա եւ Ակնից ներգաղթածները: Բնակավայրը մաս է կազմում Կէյվէյի գաւառակին (կազա): 1909-10ին բնակչութեան թիւը կազմել է 2665 մարդ, ունեցել է 450 տուն (որից աւելի քան 410ը՝ առաքելական դաւանանքի, 15-20ը՝ բողոքական), երկսեռ դպրոց 200 աշակերտներով, գրադուել են խաղողագործութեամբ եւ շերամապահութեամբ (գիւղում գործել է մետաքսի երկու մանարան 200 աշխատողներով), համարուել է շրջանի «ամենէն յառաջադէմ գիւղն կրթական ու զարգացական եւ մասամբ տնտեսական տեսակետ. բնակչութեան աճման հետեւանքով բնակիչներու տեղափոխութիւններ անպակաս են»⁴²: Գաւառի գիւղերի միջից Գրնճրյարն ամէնից շատ հարկեր վճարողն է եղել: Այսպիսին էր իրավիճակը Առաջին Համաշխարհային Պատերազմի նախօրէին: Ինչեւիցէ, գիւղի բնակչութեան թիւը երբեք էլ 10 հազարի չի հասել: Կարող ենք, սակայն, առաջնորդուել այն ենթադրութեամբ, որ պլակատի հեղինակը նկատի է ունեցել Կէյվէյի շրջանի ողջ հայութեանն ընդհանրապէս, քանի որ միւս ամենահին գիւղը Գրնճրյարից կէս ժամ հեռաւորութեան վրայ գտնուող Գուրտպէլէնն (Գայլարլուր) է 780 տնով եւ 3900 մարդով⁴³, իսկ երրորդ եւ ամենամեծ գիւղը՝ Միջագիւղը (Օրթաքէօյ), որն ունեցել է 8-900 տուն հայութիւն, որից 200ը առաքելական էին, մնացածը՝ կաթոլիկներ: Ամբողջութեան մէջ Առաջին Համաշխարհային Պատերազմի նախօրեակին Կէյվէյի գաւառակի հայութեան թիւը 8730 մարդ էր⁴⁴:

Բնակավայրին անդրադարձ է կատարուած նաեւ յետեղեռնեան տարիներին: Նրա մասին նշում է. «... 500 տնուոր (3000 անձ) զուտ հայաբնակ գիւղ՝ հիմա քարուքանդ: ...Ժողովուրդն իր քահանաներուն հետ, 21 Յուլիս 1915ին, Կիրակի օր, մէկ անգամէն դէպի Բաքքա եւ Տէր Զօր արտորուած: Վերադարձող հազիւ քանի մը տասնեակ հոգի, իսկ բնակելի տուն՝ 5 հատ միայն մնացած: Եկեղեցին Ս. Սարգիս (նոյնպէս քանդաւեր)...»⁴⁵: Ս. Մոցիկեանը նոյնպէս նշում է 1915ը որպէս ժամանակ, երբ Նիկոմիդիայի գաւառի հայարնակ գիւղերը «իրենց շինարար եւ յառաջադէմ Հայ բնակիչներէն զրկուեցան եւ ամայի ու աներակ վիճակի մը մատնուեցան..., եւ որոնք, ներկայիս, կը պարունակեն շատ աննշան թուով Հայեր միայն, արտորավայրերէն վերադարձած, խեղճուկրակ վիճակով, ամէն իրատունք կորսնցուցած»⁴⁶:

Ստեփան Պօղոսեանը նշում է, որ 1919ի աշնանը, երբ յոյների պարտութիւնից յետոյ թուրքերի հետ կնքուեց Մուղանիայի պայմանագիրը

եւ յունական զօրքերը հեռացան Չմիւռնիայից, Նիկոմիդիայից, Արեւելեան Թրակիայից, իսկ դաշնակիցները՝ Կ. Պոլսից, Նիկոմիդիայում տեղի ունեցան բախումներ հայերի ու թուրքական բանակի եւ բնակչութեան միջեւ. «Սակայն, ի վերջոյ, այս շրջանի հայերը նոյնպէս հարկադրուած եղան հեռանալ հայրենի վայրերից. նրանց զգալի մասը ոչնչացուեց թուրքական բանակի կողմից Մուղանիայի ճանապարհին»⁴⁷: Գուցէ ա՛յս իրողութիւնները նկատի ունի պլակատի հեղինակը, երբ գրում է, որ Կունջուլարից կոտորուել են 10 հազար մարդ:

*

Այն փաստը, որ խորհրդային իշխանութեան տարիներին ազգային-ազատագրական պայքարի, Ֆիդայական կռիւների հերոսների թեմայի ազատ արժարժոււմը գաղափարախօսական առումով շարունակում էր մնալ չյայտարարուած արգելանք, դրսեւորուեց նաեւ Ղարաբաղեան շարժման տարիներին, երբ, թերեւս նաեւ սումգայիթեան ողբերգութեան ազդեցութեան ներքոյ, եղեռնի թեման շօշափելուց խօսւում էր գերազանցապէս հայկական կողմի մարդկային կորուստների մասին միայն: Մասնաւորապէս, երկրորդական պլան էր մղուել 1894-1920ին տեղ գտած հերոսական ինքնապաշտպանութիւնների թեման:

Այդպէս է եւ դիտարկուող ցուցապատառում յիշատակուած Հաճընի պարագայում:

Հաճընը Լեռնային Կիլիկիայի հինաւուրց քաղաքներից է, ԺԲ.-ԺԴ. դդ. եղել է Կիլիկիայի Հայկական Պետութեան կազմում: Առաջին համաշխարհային պատերազմից առաջ քաղաքն, ըստ տարբեր հեղինակների, ունէր 25-35000 հայազգի բնակչութիւն, որոնք 1915ին աքսորուեցին Դէր-Չօրի անապատները, ուր նրանց մեծ մասը ոչնչացաւ: Պատերազմի աւարտից յետոյ, հաւատարմով դաշնակիցների ու, մասնաւորապէս, Կիլիկիայում Ֆրանսիական գրաւող զօրքերի հրամանատարութեան հայերի կեանքի ապահովութեան մասին խոստումներին, շուրջ 6-8000 հայեր վերադարձան Հաճըն: Սակայն աւերուած քաղաքի վերաշինումը կարճ է տեւում, քանի որ տեղեկութիւն է ստացւում, որ քեմալականները 1920ի սկզբներին յարձակում են նախապատրաստում Հաճընի վրայ: Հաճընցիները որոշում են պաշտպանել իրենց քաղաքը՝ յոյս ունենալով օժանդակութիւն ստանալ Ֆրանսիական իշխանութիւններից: Ստեղծոււմ է ինքնապաշտպանութեան Խորհուրդ, զօրավար Անդրանիկի գինակից Սարգիս Զեպէճեանի գինուորական ընդհանուր հրամանատարութեամբ, զօրակոչի են ենթարկւում 16-50 տարեկան բոլոր տղամարդիկ, ձեւաւորոււմ են չորս վաշտեր, առաջապահ եւ պահեստի խմբեր: 1920

Ապրիլի 1ից սկսում է քեմալական զորքի յարձակումը: Հաճրնցիների հերոսական ինքնապաշտպանութիւնը տեւում է ամբողջ 8 ամիս՝ մինչեւ Հոկտեմբերի 15ը: Այդ ընթացքում հայերը մի քանի անգամ ետ են շարտում թուրքական գերագանցող ուժերին, գրաւում են մեծ քանակութեամբ գէնք ու զինամթերք, պարէն, սակայն ուժերն անհաւասար էին: Հոկտեմբերի 15ին աւելի քան 15 հազարանոց թուրքական զորքին յաջողում է ճեղքել մի քանի հարիւր հոգուց բաղկացած հայկական հրացանակիր վաշտերի պաշտպանութիւնը, ներխուժել քաղաք եւ գազանաբար ոչնչացնել նրա բնակչութեանը՝ շուրջ 6 հազար մարդու (որոշ տուեալներով՝ 8 հազար զոհ, այլ տուեալներով՝ շուրջ 9600 սպանուած կամ գերի տարուած⁴⁸, բայց ոչ՝ 20 հազար, ինչպէս նշուած է ցուցապատաւում): Միայն մօտ 400 հոգուց բաղկացած մի ջոկատի է յաջողում ճեղքել թուրքերի պաշարման գիծը եւ փրկուել⁴⁹:

*

Եգէական Մովսիս Կապուճեանի գտնուող վաճառաշահ Զմիւռնիա քաղաքում հայերը բնակուում էին ԺԴ դարի վերջին քառորդից⁵⁰: Քաղաքի բնակչութիւնը 1922ին հասնում էր գրեթէ կէս միլիոնի: Բնակիչների մեծ մասը յոյներ էին, ապա թուրքեր, հրեաներ, հայեր եւն.: Հայերի թիւը հասնում էր 25 հազարի⁵¹ (քաղաքի մերձակայ չրջանների հետ միասին՝ 30 հազարի): Հայերը գերագանցապէս բնակուում էին հայկական թաղամասում՝ Հայնոցում, որն ունէր երկու կիլոմետր երկարութիւն: Այստեղ էին տեղաւորուած հայկական հոգեւոր-կրթական հաստատութիւնները՝ չորս եկեղեցիները, դպրոցները, գրադարանը, ծերանոցը, թանգարանը, տպարանները: Հայերը նշանակալի դեր ունէին քաղաքի եւ վիլայէթի ոչ միայն մշակութային, այլ նաեւ տնտեսական կեանքում: Մասնաւորապէս, հայերի ձեռքին էր քաղաքի վաճառականութեան եւ արհեստների գլխաւոր մի մասը: Նրանք յաջողութեամբ գրաղւում էին գորգագործութեամբ ու գորգի վաճառքով, նաեւ այգեգործութեամբ, պտղամշակութեամբ:

Արեւմտահայութեան ընդհանուր տեղահանութեան ժամանակ՝ 1915ին, Զմիւռնիայի հայերը, շնորհիւ քաղաքի աշխարհագրական դիրքի՝ Եւրոպայի հետ անմիջական շփումների, չտարագրուեցին: Դեռ աւելին, պատերազմի տարիներին այստեղ ապաստան գտան թուրքիայի միւս չրջաններում ջարդից փրկուած հայեր⁵²:

1919 Մայիսին սկսուեց թուրք-յուճական պատերազմը, որը փոխնիփոխ յաջողութիւններով շարունակուեց մինչեւ 1922: Ի վերջոյ, նաեւ շնորհիւ Ռուսաստանի ռազմա-քաղաքական աջակցութեան եւ եւրոպա-

կան տէրութիւնների անուղղակի օժանդակութեան, թուրքերին յաջող-
 ուեց յունական զօրքերին պարտութեան մատնել Անկարայի մատոյցնե-
 րում եւ հասնել մինչեւ Եգէականի ափերը: Սեպտեմբերի 9ին թուրքա-
 կան զօրքերը մտան Չմիւռնիա: Կանոնաւոր բանակի զօրամասերը երեք
 օր շարունակ դաժան հաշուեյարդար տեսան քաղաքի յոյն եւ հայ բնակ-
 չութեան հետ: Չմիւռնիայում ԱՄՆ հիւպատոսի վկայութեամբ, Մուս-
 տաֆա Քեմայր «սկսել է հայերի նոր հալածանք, կանանց ու երեխա-
 ներին ցնել էր տալիս երկաթուղային վագոններն ու ապա հրամայում
 նրանց վրայ ամուխ ցնել ու վառել... Անշուշտ Քեմայի նպատակը ոչն-
 չացումն էր»⁵³: Ականատեսների հաղորդումներով, հայկական թաղա-
 մասի փողոցները ցուած էին կանանց ու տղամարդկանց դիակներով
 այնպէս, որ անցնել անգամ չէր լինում⁵⁴: Ֆրանսիացի Ռընէ Պյուօն
 պատմում է, որ «Սեպտեմբեր 9էն ի վեր դիակները փողոցներուն մէջ
 նետուած էւ գարշահոտութիւն տարածած էին ամենուրեք, թուրքերը
 ամէն բան կողոպտել էւ Հայոց թաղի բնակչութեան բաւականին մէկ
 մասը ջարդել է յետոյ, բոլորը անհետացնելու համար դիմած էին կրակի
 օգնութեան»⁵⁵: Ծոցիկեանի բնութագրմամբ, «Հրդեհը մէկ կողմէ, կոտո-
 րածը միւս կողմէ, Չմիւռնիոյ մէջ Հայութեան բնաջնջումի ահազանգը
 հնչեցուցին: Վերջին դատաստանի օր մըն էր կարծես, վրայ հասած»⁵⁶:
 Հայերի եւ յոյների ջարդերը շարունակուեցին եւրոպական մարտանա-
 ւերի անձնակազմերի աչքի առաջ, նաւահանգստում: Շատ նաւեր հրա-
 ժարուում էին հայերին ընդունել: Թուրքերը ծակել էին ափին գտնուող
 նաւակների յատակները, այնպէս որ փախչել փորձողների նաւակները՝
 ափից քիչ հեռանալուց յետոյ, շրջւում էին: Թուրքերը ջրասոյգ արեցին
 նաեւ փախստականներ տեղափոխող մի քանի նաւեր, բնակչութեան մի
 մասին էլ քչեցին Թուրքիայի խորքերը եւ հիմնականում ոչնչացրին⁵⁷:
 Քաղաքի բնակչութեան որոշ մասին յունական կառավարութիւնը նա-
 ւերով տեղափոխեց Յունաստան:

Մօտաւոր տուեալներով, Չմիւռնիայի կոտորածներին զոհ գնաց
 շուրջ 100 հազար յոյն եւ հայ բնակչութիւն⁵⁸: Ինչպէս նկատում է ժամա-
 նակակիցը, Չմիւռնիայի աղէտով վերջացաւ արեւմտահայութեան հաշ-
 ուեյարդարը⁵⁹:

*

Արդ, փորձենք անել որոշ եզրակացութիւններ:

Ա.- Պլակատի ստեղծման ժամանակը այնքան էլ պարզ չէ: Բոլոր
 դէպքերում, այստեղ տեղ գտած տարեթուերը, տարածաշրջանների ու
 բնակավայրերի անուանումներն, ինչպէս եւ զոհերի քանակն ուղղակի

աղերսներ ունեն 1963ին ԱՄՆում հրատարակուած *Թուրքական Բռնակալներ* գրքի էջ 12-13ում տեղակայուած *Թուրքական կոտորածների ցուցակ-տեղեկագրի* հետ: Մեզ հասանելի չեղաւ այս աշխատութիւնը, ուստի չենք կարող յստակօրէն պնդել, թէ այդ ցուցակ-տեղեկագիրը ե՞ւս ստեղծուած է 1960ականներին, թէ՞ մէջբերուած է աւելի վաղ լոյս տեսած աշխատութիւնից: Ցուցակ-տեղեկագրում առկայ անճշտութիւնները նոյնութեամբ մուտք են գործել պլակատ: Իր հերթին, պլակատում առկայ են «սեփական» սխալներ:

Բ.- Պլակատի հեղինակները նկատուած են իրրել «առաջադէմ գործիչներ»: Խորհրդային տարիներին այդպէս էին որակուում հակախորհրդային ուղղուածութիւն չունեցող հասարակական-քաղաքական ուժերը: Դատելով պլակատի բովանդակութիւնից, ներկայ պարագայում դրանք հայկական սփիւռքը ներկայացնող գործիչներ են: Ուրեմն, միանշանակ կարող ենք ասել, որ կուսակցական հեղինակներ ունենալու պարագայում, պլակատը ստեղծողների մէջ բացակայում են Հայ Յեղափոխական Դաշնակցութեան ներկայացուցիչները:

Գ.- Պլակատը բովանդակային առումով բաժանուած է երկու մասի: Տեղեկատու հատուածը նշում է հայկական կոտորածների զոհերի հսկայական լինելը: Գաղափարախօսական հատուածը ցուցում է այն փաստը, որ կոտորածների արդիւնքում Հայաստանը վեր էր ածուել որբերի երկրի⁶⁰, որին վերջնական ոչնչացումից փրկում է Խորհրդային Միութիւնը (Ռուսաստանը): Նկատենք, որ այս մտայնութիւնը միակն էր խորհրդային շրջանի հայ պատմագրութեան մէջ եւ գաղափարախօսական նոր կլիշէներով շարունակում էր հայութեան աւելի քան երկուհարիւրամեայ ընկալումները օտարների լծից ազատագրման հարցում Ռուսաստանի դերի շուրջ: Վիճակն սկսեց աստիճանաբար փոխուել Ղարաբաղեան Շարժման ձեւաւորումից ի վեր, ինչի դրսեւորումներից մէկն էլ այն է, որ Հայաստանում Շարժման պատկերագրութեան մէջ բացակայում է օտարագգի փրկարարի, ազատարարի կերպարը, իսկ նման հարց ծագելու պարագայում այդ գործառոյթը վերագրուում է հենց հայ ժողովրդին:

Դ.- Ինչպէս այս, նոյնպէս եւ կառուցուածքային այս սկզբունքով ստեղծուած Ղարաբաղեան Շարժման պատկերագրութեան մէջ շեշտուում է հայերի տուած զոհերի թեման: Այս տիպի լուծմամբ պլակատներում բնաւ առաջ չի քաշուում ազգային-ազատագրական պայքարի թեմատիկան:

Ե.- Ամենայն հաւանականութեամբ, հենց այս պրակատի տեղեկատուական եւ գաղափարախօսական լուծումները հենք ծառայեցին Շարժման նմանատիպ պատկերագրութեան առաջացման, ձեւաւորման եւ զարգացման համար:



նկար 9

ԲԱՔՈՒ ԵՒ ՇՈՒՇԻ

Վերը դիտարկուած վերջին երկու պլակատների (նկ. 6 եւ 7) առաջին երկու բաղադրիչներին հանդիպում են «ցեղասպանութիւնների շարք»ի սկզբունքով կառուցուած բազմաթիւ ցուցապաստառներում, ինչպէս օրինակ՝ «սումգաիքը շարունակութիւնն է 1915 թ. եղեռնի, 1920 թ. Բաքուի⁶¹ եւ Շուշիի կոտորածների» (1988 Նոյեմբերի 8) (նկ. 9) եւ «Բաքու - 1918, Շուշի - 1920, Սումգաիք - 1988» (1988 Նոյեմբերի 18) (նկ. 10): Դրանք վերաբերում են 1918 Սեպտեմբերին՝ թուրքական զօրքերի կողմից գաւթուելուց յետոյ՝ Բաքուում իրականացուած հայերի կոտորածներին⁶² եւ 1920 Մարտին այն ժամանակների Լեռնային Ղարաբաղի կենտրոն Շուշիի հայութեան կոտորածներին:

*

Նախախորհրդային շրջանում Բաքուի ծաղկման, բարեկեցութեան գործում իր անուրանալի ներդրումն ունէր հայ համայնքը: Նա ամուր դիրքեր էր գրաւել առեւտրի եւ նաւթարդիւնարբերութեան բնագաւառներում, լուրջ առաւելութեան հասել հասարակական հաստատութիւններում՝ դումայում, դրամատներում: Միաժամանակ, հայ համայնքը աւանդաբար իր նկատելի նպաստն էր բերում մշակոյթի բնագաւառում: Մասնաւորապէս, հայ ճարտարապետները նախագծում եւ կառուցում էին բնակելի տներ, ամբողջ թաղամասեր, հիւանդանոցներ, դպրոցներ, թատրոններ եւն.⁶³: 1918ին Բաքուի շուրջ 250000 բնակչութեան մօտ 88000ը կամ 35,7 տոկոսը հայեր էին:

1918ին թուրքական զօրքերը գրաւեցին Բաքուն: Երեք օր շարունակ, Սեպտեմբերի 15-17ը, քաղաքը յանձնուած էր ջարդարարների ողորմածութեանը, որի արդիւնքում «միայն անպաշտպան եւ անզէն հայ ժողովուրդը... մինչեւ վերջին շապիկը թալանուեց եւ սնանկացուեց, ենթարկուեց բռնութիւնների, ոտնահարուեցին, անարգուեցին նրա տարրական մարդկային իրաւունքները եւ ընտանեկան սրբութիւնները, գերուեցին եւ անյայտութեան մէջ կորան հազարաւոր մարդիկ: Հայերի ողբերգութիւնը չաւարտուեց կոտորածի եւ ջարդի երեք օրերով: Այդ ողբերգութիւնը անընդմէջ շարունակուեց ամբողջ երկու ամիս, քանի դեռ թուրքական հրամանատարութիւնը գտնուում էր Բաքուում»⁶⁴: Մէկ այլ ժամանակակիցի վկայմամբ, «ամէն հայկականը եւ բացառապէս հայկականը թալանուած, յափշտակուած, ոչնչացուած է:... Սանձագերծ զինուորականութիւնը եւ գազազած ամբոխը ներխուժում էին հայերի տները, սպանում էին, բռնաբարում...»⁶⁵: Բախշի Իշխանեանի հաւաստմամբ Բաքուի հայութեան համար կրկնուեցին բռնութեան ու հա-

լածանքի այն անօրինական պատմական էջերը որ դարեր շարունակ
կրել է հայութիւնը Օսմանեան իշխանութեան ստրկական լծի տակ:



նկար 10

Տարբեր, բայց իրար շատ մօտ տուեալներ կան Բաքուի հայութեան տուած զոհերի թուաքանակի վերաբերեալ: Այսպէս, Բաքուի Հայ Ազգային Խորհրդին կից Հարցման Յանձնաժողովի տուեալներով, ջարդերի ընթացքում սպանուել է եւ ստեղծուած մահացու պայմանների հետեւանքով մահացել 25286 մարդ, բռնութիւնների զոհ դարձել եւս 3598 մարդ (ընդհանուր առմամբ՝ 28884 մարդ կամ Բաքուի հայութեան գրեթէ $1/3$)⁶⁶, այլ տուեալների համաձայն՝ շուրջ 20-25000⁶⁷ կամ 30000 մարդ⁶⁸:

*

ԺԹ.-Ի. դարերում նախախորհրդային շրջանում Շուշին առեւտրի, արհեստագործութեան ու հայկական մշակոյթի խոշոր կենտրոն էր, իսկ նրա հայկական մասը իրաւամբ կրում էր «Հայոց փոքրիկ Փարիզ» անունը:

Անդրկովկասի ամենարարեկարգ ու աշխոյժ մշակութային կեանքով ապրող քաղաքներից մէկը լինելով, Շուշին մեծմասամբ հայարնակ էր. հայերը կազմում էին բնակչութեան 52-56%օր, թաթարները՝ 41-47%օր⁶⁹: 1914ի սկզբի դրութեամբ քաղաքի բնակչութեան թիւը հասել էր 42000 մարդու⁷⁰:

1918-20 խառը ժամանակներ էին ողջ Անդրկովկասի ու նաեւ Ղարաբաղի համար⁷¹: Մասնաւորապէս, Ղարաբաղի կենտրոն Շուշիում տեղաւորուած էր ադրբեջանական լաւ սպառազինուած մի զօրամաս 200-500 զինուորներով: 1920 Մարտի 23ին, Նովրուզի⁷² տօնին, հայկական փոքրաթիւ մի ջոկատ (50-60 հոգի), փորձելով առկախել ադրբեջանական սպասուելիք բռնութիւնները Շուշուայ հայութեան դէմ, յարձակում է գործում քաղաքի զօրանոցի վրայ: Յարձակումը ձախողոււմ է⁷³: Չինուորները դուրս են գալիս զօրանոցից ու փոքր խմբերով սկսում են սպանել ու թալանել հայերին, ապա նաֆթով հրկիզել նրանց տները: Քաղաքի ադրբեջանական մասի խուժանը իր հերթին մտնում է հայկական թաղերը եւ շարունակում անպատիժ աւերածութիւնները. «աղամարդկանց սպանում էին, կանանց, աղջիկներին ու երեխաներին բռնաբարում, գեղեցկուհիներին իրենց տները տանում... բոլոր նշանատր հայերին սպանելուց յետոյ գլուխները կտրած բազարներում պտտեցնել էին տալիս»⁷⁴: Այնուամենայնիւ, բնակչութեան մի մասին յաջողում է փախչել:

Տարբեր տուեալներ կան Շուշուայ հայութեան եռօրեայ ցեղասպանութեան զոհերի թուաքանակի վերաբերեալ: Այսպէս, որոշ աղբիւրների համաձայն, «ոչնչացուած է Շուշիի ողջ [հայազգի] բնակչութիւ-

նր»⁷⁵, «Շուշիի հայ բնակիչների կեսը ոչնչացաւ ամբողջ ընտանիքներով»⁷⁶, հայազգի զոհերի թիւը կազմում է շուրջ 6000⁷⁷, 7000⁷⁸, 8000 մարդ⁷⁹, «երեք օրուայ ընթացքում ւաերուել եւ հրդեհուել են 7000 տներ եւ մորթուել են, - տարբեր թուեր են ասում, - ոմանք ասում են՝ երեք-չորս հազար հայեր, ուրիշները՝ ւաելի քան տասներկու հազար: Իրողութիւնն այն է, որ երեսունհինգ հազար հայերից Շուշիում չի մնացել ոչ մէկը»⁸⁰: Իրօք, Ղարաբաղում խորհրդային կարգեր հաստատուելուց յետոյ՝ 1921ին, Շուշին ունէր ընդամէնը 9200 բնակիչ, որից միայն 3%օն էին կազմում հայերը⁸¹:

Այսպիսով, պատմագրութեան մէջ առկայ որոշ տարակարծութիւնները 1918ի Բաքուի եւ 1920ի Շուշիի հայութեան կոտորածների զոհերի թուաքանակի մասին իրենց կնիքն էին թողել նաեւ ցուցապաստառների միջոցով հաղորդուող թուական տուեալների վրայ: Նոյն կերպով, սումգայիթեան ջարդերի զոհերի պաշտօնապէս յայտարարուած քանակն առաջին իսկ օրուանից բուռն քննարկումների առարկայ էր՝ յայտարարուած հայազգի 26 զոհերի թիւը Հայաստանում ընդունուեց որպէս արհեստականօրէն իջեցուած թուաքանակ: Այդ պատճառով էլ պակատներում երբեմն թուաքանակի փոխարէն հարցական նշան էր դրւում: Մէկ այլ ցուցապաստառում Սումգայիթ բառը ուղեկցւում է 26 թուով եւ դրան յաջորդող բազմակէտով ու հարցական նշանով⁸²:

ԽՈՉԱԼՈՒ...ՆԱԽԻՋԵՒԱՆ...ՄԱՍԻՍ

Ցուցապաստառներում Խոջալուի յիշատակութիւնը պայմանաւորուած է ԼՂԻՄում՝ մայրաքաղաք Ստեփանակերտին մերձակայ ադրբեջանաբնակ Խոջալու գիւղում, գերազանցապէս հայաբնակ Ստեփանակերտում եւ մեծմասամբ ադրբեջանցիներով բնակեցուած Շուշիում 1988 Սեպտեմբերի 18-20ին տեղի ունեցած բռնութիւնների այիքով⁸³: Առիթը խոջալուեցի ադրբեջանցիների յարձակումն էր Ստեփանակերտ հայ ուղեւորներ փոխադրող մեքենաների վրայ եւ դրան յաջորդած Ստեփանակերտի հայազգի բնակիչների մի խմբի ընդհարումը խոջալուեցիների հետ:

Սեպտեմբերեան բախումների պատճառը, սակայն, շատ աւելի խորհիմքեր ունէր: Բանն այն է, որ 1988 Մարտի 24ի ԽՄԿԿ ԿԿի ու ԽՍՀՄ Մինիստրների Խորհրդի ընդունած «Ադրբեջանական ԽՍՀ Լեռնային Ղարաբաղի Ինքնավար Մարզի Սոցիալ-տնտեսական Չարգացումը 1988-1995թթ. Արագացնելու Միջոցառումների Մասին» որոշման համաձայն ԼՂԻՄին յատկացւում էր 400 միլիոն ռուբլի: Սակայն այդ գու-

մարները Ադրբեջանը սկզբից եւեթ օգտագործում էր ԼՂԻՄի ադրբեջանարնակ բնակավայրերի բարեկեցութիւնը բարելաւելու նպատակով: Մասնաւորապէս, վիթխարի շինարարութիւն էր կատարուում ռազմավարական կարեւոր նշանակութիւն ունեցող ադրբեջանարնակ Խոջալու գիւղում. նպատակը յստակ էր՝ Հնարաւորութիւն ստեղծել Հայկական քաղաքների շրջափակման ու ճանապարհների արգելափակման եւ, Հետեւապէս, նրանց միջեւ կապը խափանելու համար⁸⁴: Այդ տարուայ ամռանը, ձգտելով խոչընդոտել Հայաստանի եւ ԼՂԻՄի միջեւ տնտեսական կապի աշխուժացման գործընթացը, Ադրբեջանի տարածքներով անցնող ճանապարհներին յարձակումներ սկսուեցին երթուղային աւտոբուսների վրայ. սկսուեց «քարային պատերազմ», որը տեղափոխուեց նաեւ Ինքնավար Մարզի տարածք: Արդիւնքում Սեպտեմբերի 18ին Խոջալու գիւղով անցնող Ասկերան-Ստեփանակերտ ճանապարհին՝ սկզբում քարկոծուեց եւ ջարդուեց գիւղատնտեսական աշխատանքներից վերադարձող ռուսանոդական աւտոբուսը, այնուհետեւ յաջորդեցին յարձակումներ Հայ ուղեւորներով բոլոր մեքենաների վրայ: Յարձակուողներն օգտագործում էին ոչ միայն քարեր, այլեւ հրազէն: Յատկանշական է, որ ջարդարարութեան համար ժամանակն ամէնեւին էլ պատահական չէր ընտրուած, քանզի այդ օրը Ստեփանակերտում անց էր կացուում սգոյ Հանրահաւաք Բաքուում Հայերի ցեղասպանութեան եօթանասունամեակի կապակցութեամբ: Ուշագրաւ է նաեւ այն, որ ռուսականութիւնը միջամտեց այն ժամանակ միայն, երբ Ստեփանակերտի Հանրահաւաքի մասնակիցների մի մասը օգնութեան գնաց Հայրենակիցներին: Ընդհարումների արդիւնքում զոհուեց մէկ մարդ, «25 մարդ տարբեր ծանրութեան վէրքեր ստացան, 17ը հոսպիտալացուեց»⁸⁵:

Նոյն օրը երեկոյեան Ստեփանակերտի Կրկեան թաղամասում (որը հիմնականում ադրբեջանարնակ էր) սկսուեցին Հակահայկական բռնութիւններ: Լուրեր հասան այն մասին, որ Շուշիի հայկական թաղամասում հրդեհի ճարակ են դառնում բնակելի տները: Դրան հայերը պատասխանեցին հրդեհի մատնելով ադրբեջանցիների տները Ստեփանակերտում: Այդ օրերին Շուշին լքեցին նրա վերջին հայ բնակիչները: Դրան ի պատասխան ստեփանակերտցիներն էլ քաղաքից դուրս քշեցին ադրբեջանցիներին⁸⁶:

Խոջալուի դէպքերը պատրուակ եղան, որ ներքին զօրքեր մտցուեն Ստեփանակերտ, այնուհետեւ յատուկ դրութիւն եւ պարետային ժամ յայտարարուի ԼՂԻՄի ողջ տարածքում: Խոջալուցի յանցագործների մի մասը ձերբակալուեց, սակայն միառժամանակ անց նրանց նկատ-

մամբ յարուցուած քրէական գործերը դադարեցին: Ազրբեջանը ցուցադրեց, որ պետական մակարդակով փաստօրէն խրախուսուած է հայ բնակչութեան նկատմամբ իրականացուող բռնութիւնները:

Թէեւ Խոջալուում տեղի ունեցած իրադարձութիւնները համեմատելի չէին սումգայիթեան ջարդերի հետ, շատերն ընկալեցին այդ իրադարձութիւնները որպէս հայերի նկատմամբ վարուող ցեղասպանութեան քաղաքականութեան դրսեւորում: Այդ մասին էր վկայում Խոջալուի ընդգրկումը «ցեղասպանութիւնների շարք»ում⁸⁷: Նոյնն է վկայում մէկ այլ տրանսպարանտ, որը յայտնուեց, ինչպէս եւ նախորդը, 1988 Նոյեմբերին՝ «Յեղասպանութիւն. Բաքու, Շուշի, Նախիջեւան, Արցախ, Սումգայիթ, Մասիս, Խոջալու»:



Յկար 11

Իսկ ինչո՞վ է պայմանաւորուած Նախիջեւանի յայտնուելը «Յեղասպանութիւնների շարք»ում:

Նախիջեւանի տարածքը Մեծ Հայքի կենտրոնական շրջաններից էր եւ դարեր շարունակ զգալի դեր էր խաղում հայ ժողովրդի պատմական,

քաղաքական, տնտեսական ու մշակութային կեանքում: Սակայն պատերազմների ու բռնի տեղահանումների թատերարեմ լինելը իր հետեւանքն էր ունենում տարածաշրջանի բնակչութեան էթնիկ կառուցուածքի վրայ:

Այսպէս, ԺԷ-ԺԸ դարերում տարածքը բնակեցւում է մահմեդական ցեղերով, հայազգի բնակչութեան մի զգալի մաս ընդունում է կաթոլիկութիւն, մի ստուար հատուած էլ՝ ստեղծուած պայմանների բերումով՝ մահմեդականանում⁸⁸: Արդիւնքում, Նախիջեւանի շրջանի բնակչութեան մէջ ԺԹ դարի սկզբում հայերի տեսակարար կշիռն իջնում է մինչեւ 15-20%օր: ԺԹ դարի ընթացքում հայութեան թիւն աւելանում է եւ 1916ի դրութեամբ նրանք արդէն կազմում էին Նախիջեւանի գաւառի բնակչութեան 40%օր: Առաջին Համաշխարհային Պատերազմի տարիներին եւ դրան յաջորդող ազգամիջեան բախումների ընթացքում հայութեան մի զգալի մասը լքում է Նախիջեւանը: Խորհրդային կարգերի հաստատումից յետոյ Նախիջեւանի տարածքի փախստականութիւնը փորձում է վերադառնալ երկրամաս: Սակայն Նախիջեւանի ինքնավար Հանրապետութեան եւ Ադրբեջանի դեկավարութեան 1922-26ի որոշումներով անյաղթահարելի արգելքներ են յարուցւում հայազգի փախստականութեան առջեւ:

Արդիւնքում, ըստ 1926ի մարդահամարի տուեալների, Նախիջեւանի տարածքի հայութեան թիւը նախալեզափոխական ժամանակաշրջանի համեմատութեամբ իջնում է գրեթէ 5 անգամ, կազմելով ընդամէնը 11300 մարդ: Յետագայում եւս Նախիջեւանի իշխանութիւնների սոցիալ-տնտեսական, մշակութային եւ ազգային քաղաքականութիւնը նպատակաւորուած էր ինքնավար Հանրապետութիւնում մնացած հայութեան համար անտանելի կենսապայմանների ստեղծմանն ու տեղահանմանը: Արդիւնքում 1970ին հայերի տեսակարար կշիռն իջաւ մինչեւ 2,9%, իսկ 1979ին՝ 1,6%օր (3400 մարդ): Եթէ Նախիջեւանի ԻԽՍՀ ադրբեջանական բնակչութիւնը 1926-1979ին աճեց 2,6 անգամ, ապա հայերի թիւը նուազեց 3,3 անգամ: Նախալեզափոխական շրջանի 44 հայկական գիւղերի փոխարէն 1988ին գոյութիւն ունէին ընդամէնը 2 գիւղ⁸⁹: Հայ բնակչութեան դուրսմղմանն ուղղուած քաղաքականութիւնն ուղեկցւում էր հայ ժողովրդի պատմամշակութային յուշարձանների ոչնչացումով, նպատակ ունենալով վերացնել հայերի երբեմնի առկայութեան վերջին վկայութիւնները:

Նախիջեւանի օրինակը, որպէս, այսպէս կոչուած «սպիտակ ցեղասպանութեան» դրսեւորում⁹⁰, հայերի կողմից մշտապէս բերւում էր եւ

չարունակում է բերուել իբրև ԼՂԻՄի համար ակնյայտ, անվիճելի ապագայ այն դէպքում, եթէ նա շարունակէր գտնուել Ադրբեջանի կազմում: Սպիտակ ցեղասպանութեանը դիմակայելու անհրաժեշտութեան գաղափարն արտացոլուած էր նաև 1988 Նոյեմբերի 7ի մէկ այլ ցուցապաստառում՝ «Չենք Հանդուրժի Նոր Նախիջեւան», իսկ տաս օր անց, ի շարս սումգայիթեան դատավարութիւնը միջազգային ատեաններին յանձնելու անհրաժեշտութեան, հայալեզու եւ ռուսալեզու ցուցապաստառներով նման պահանջ էր առաջ քաշուած նաև նախիջեւանեան ցեղասպանութեան համար՝ «Նոր Նիւրնբերգ Սումգայիթի, Նախիջեւանի Համար», այսինքն կարծես թէ ակնարկուած էր, որ ցեղասպանութիւնը ցեղասպանութիւն է՝ լինի այն «կարմիր» ինչպէս որ էր Սումգայիթում, թէ «սպիտակ» ինչպէս ժամանակին տեղի ունեցաւ Նախիջեւանում:

*

Մասիս բնակավայրը յայտնուեց ցեղասպանութիւնների շարքում ի հետեւանս «Գարուն» կարի արտադրական միաւորման Մասիսի մասնաճիւղի 51 բանուորուհիների միաժամանակեայ թունաւորման, որն առաջացել էր շնչառական ուղիներով օրգանիզմ ներթափանցած քիմիական թունաւոր նիւթի գործողութեամբ, որին բնորոշ էին վերին շնչուղիների, նեարդային համակարգի եւ մաշկի ախտահանման կլինիկական համախտանիշեր:

Ինչպէս պարզել էր Հայաստանի եւ ԽՍՀՄ Առողջապահութեան Մինիստրութեան մասնագէտներից կազմուած բաւականին ներկայացուցչական յանձնաժողովը, «սուր թունաւորման առաջացումը կապուած է օրգանիզմի վրայ քիմիական թունաւոր նիւթի ներգործութեան հետ»⁹¹: Յանձնաժողովի աշխատանքի արդիւնքում «արժարժուած հարցերի վերաբերեալ սպառնիչ ու վերջնական եզրակացութիւններ չէին ստացուել: Այս կապակցութեամբ նշանակուել է նոր կոմպլեքսային յանձնաժողովային փորձաքննութիւն...»⁹²:

Թունաւորման գործի կապակցութեամբ յարուցուած քրէական գործը, բազմաթիւ քննչական միջոցառումները այնպէս էլ չբացայայտեցին մեղաւորներին: Շատերի կարծիքով այս գանգուածային թունաւորումը իրականացուել էր Փարրիկայում աշխատող ադրբեջանցի բանուորուհիների կողմից իրենց հայազգի գործընկերուհիների խալաթները քիմիական նիւթով մշակելու ճանապարհով, ռուսի եւ այն ժամանակներում ժողովրդի մէջ յայնօրէն քննարկուում էր ցեղասպանութեան համատեքստում: Նկատենք, որ այս առիթով ստեղծուած լարուածութեան միջնորդտն երբեմն այնքան մեծ էր լինում, որ որոշ դէպքերում կենցա-

դային հողի վրայ տեղ գտած սովորական թունաւորումներն անգամ ընկալու՞մ էին որպէս միտումնաւոր գործողութիւնների հետեւանք⁹³ :

Մասիսի դէպքերին յաջորդող մէկ տարուայ ընթացքում, Երեւանի, Եղեգնաձորի, Աշտարակի, Բուժականի, Ստեփանաւանի, Ղափանի մանուածքային մի շարք ձեռնարկութիւններում եւս, ի հետեւանս Սումգայիթից ուղարկուած գործուածքաթելի, տեղի են ունեցել զանգուածային հիւանդութիւններ յիշեցնող պատահարներ, որոնց արդիւնքում շուրջ 150 բանուորներ դիմել էին բուժօգնութեան⁹⁴ :



Յկար 12

1949-ԱԼԹԱՅ

Յեղասպանութիւնների շարքերը կողաւորող տարեթուերի մէջ երրեմն յայտնուում է 1949 թիւը, ինչպէս օրինակ «1915 ... 1937 ... 1949 ... 1988» տրանսպարանտում, որը տանում էին դէպի Յեղասպանութեան գոհերի յուշարձան, 1988 Ապրիլի 24ին: Այդ տարեթիւը նոյնքան չարագոյթ է հայերի համար, որքան՝ 1937 թիւը, քանի որ 1949 Յունիսին, ըստ ոչ-պաշտօնական տուեալների, Անդրկովկասի տարածքից շուրջ

100000 հայուժիւն աքսորուեց, որոնց մեծ մասը՝ Ալթալի երկրամաս⁹⁵։ Այս տրանսպարանտի թուային կողաւորումը «վերծանուած» է համանման մէկ այլ տրանսպարանտում՝ «Դէր-Չոր, Ալթայ, Սումգայիթ...» (նկ- 11), որը դէպի յուշարձան էին տանում մէկ տարի անց նոյն օրը։ Սակայն այս եւս կողաւորում է, այս անգամ՝ տեղագրական, որի իմաստային վերծանումն առկայ է 1988ի «խորհրդային» վերջին նոյեմբերեան շքերթի ժամանակ օգտագործուած հետեւեալ տրանսպարանտում (նկ- 12)։

«Պանթուրքիզմ	Դէր-էլ-Չոր
Ստալինիզմ	Ալթայ
???	Սումգայիթ»:

Այս տրանսպարանտում ցեղասպանութիւնների շարքի իւրաքանչիւր ցեղասպանութիւն բացատրուում է համապատասխան պետական գաղափարախօսութեամբ, բաց թողնելով Սումգայիթում կատարուածի պարզարանումը։

Չնայած ստալինիզմն առաջին հայեացքից թւում է վերագրային երեւոյթ եւ նրանից տուժել է ԽՍՀՄ ողջ բնակչութիւնը, սակայն ժողովրդներին պատժելու ստալինեան պրակտիկան, երբ տեղահան էր արւում եւ աքսորւում ոչ թէ տուեալ վայրում բնակուող ժողովրդի մի մասը, այլ տուեալ ժողովուրդն ամբողջութեամբ (Ղրիմի թաթարները, թուրք-մէսիները, չեչէնները, ինգուչները, դարաչայները, բալկարները, կալմիկները եւ այլօք⁹⁶), խօսում է այն մասին, որ ստալինեան գենոցիդը յաճախ վերածւում է էթնոցիդի։ Հենց դրան է ակնարկում տուեալ տրանսպարանտը։ Արդարեւ, 1949 Յունիսի 13ի լոյս 14ի գիշերը Հայաստանում զանգուածային արտաքսումների ենթարկուեց շուրջ 13300 մարդ։ Ինչպէս հետեւում է 1949 Մայիսի 29ի ԽՍՀՄ Մինիստրների Խորհրդի «Արացական, Հայկական Եւ Ադրբեջանական ՍՍՀներից, Ինչպէս Նաեւ Սեւ Ծովի Առափնեայ Տարածքներից Արտաքսուածների Տեղափոխութեան, Տարաբնակեցման Եւ Աշխատանքի Տեղատրման Ապահովման Մասին» որոշումից (ստորագրուած Ստալինի կողմից), աքսորեալների թւում պէտք է իրօք որ զգալի լինէր հայերի թիւը, քանի որ նրանք էին համապատասխանում որոշման մէջ տեղ գտած «դաշնակցականներ», իսկ, մասնաւորապէս, յետեղեռնեան արեւմտահայ գաղթականութեան ներկայացուցիչները՝ «խորհրդային քաղաքացիութիւն ընդունած նախկին թուրքական քաղաքացիներ» բնորոշումներին։ Ընդ որում, որպէս տարարնակեցման վայր «դաշնակցականներ»ի համար նախատեսւում էր Ալթալի երկրամասը, թուրքերի եւ նախկին

Թուրքահայատականների համար՝ Տոմսկի մարզը⁹⁷։ Հետաքրքիր է, որ «1949 թ.»-ը տեղագրական սկզբունքով բնորոշելու դէպքում ցուցապատառներում չէր օգտագործվում Սիրիոյ տեղանունը, այլ միայն Ալթայ անունը։ Թերեւս նման ընտրութիւնը պայմանաւորուած էր մի քանի գործօններով (մասնաւորապէս, թարմ էր յիշողութիւնն այն մասին, որ մէկ օրում, միաժամանակ Ալթայի երկրամաս աքսորուեցին տասնեակ հազարաւոր հայեր), որոնց թւում այն՝ որ ժողովրդի մէջ լայնօրէն տարածուած էր գրոյցն այն մասին, որ Հայրենական Մեծ Պատերազմի ավարտի մօտ, 1945 Ապրիլին, հանդիպելով Ամենայն Հայոց Կաթողիկոսի Տեղապահ Գէորգ Արքեպիսկոպոս Չէօրեքչեանի հետ, Ստալինը՝ ի պատասխան Արքեպիսկոպոսի խնդրանքի արեւմտահայ հողերի վերադարձի մասին, իբր առաջարկել է Կաթողիկոսին հայութեան համար բնակութեան նոր տարածքներ՝ հենց Ալթայի երկրամասում, որն ապագայում պէտք է դառնար հայութեան նոր հայրենիքը⁹⁸։ Մինչդեռ Սիրիոյ տեղանունը շատ ակելի մեծ տարածքներ էր մատնանշում, աքսորավայր էր ծառայում Խորհրդային Միութեան «ժողովրդի թշնամի» միլիոնաւոր քաղաքացիների համար եւ որպէս այդպիսին յայտնի էր ողջ աշխարհին, ինչը չի կարելի ասել Ալթայի մասին, որը տուեալ պարագայում իբրեւ աքսորավայր էր նախատեսուած միայն հայազգի եղող դաշնակցականների համար։

Յատկանշական է, որ տրանսպարանտի առաջին երկու գոյգերը նման են ոչ միայն իրենց բնոյթով, այլեւ գտնւում են գենետիկ կապի մէջ։ Այսպէս, իմ մօր ծնողները իրենց երեխաների հետ 1949ին աքսորուել էին Թրբիլիսիից (որտեղ նրանք հանգրուանել էին Վանի 1915ի գաղթից յետոյ) Տոմսկի մարզ, Սիրիոյ որպէս «նախկին Թուրքահայատական» պատճառարանութեամբ։ Նոյն բախտին էին արժանացել եւս մի քանի տասնեակ «նախկին Թուրքահայատակ» հայեր, ում մերոնք հանդիպել էին թէ՛ գնացքում, թէ՛ յետագայում՝ Սիրիոում⁹⁹։ Իսկ քանի՛-քանի՛ տասնեակների եւ հարիւրների մասին իմ ազգականները տեղեկացան միայն աքսորավայրից վերադառնալուց յետոյ։ Այսինքն ստալինեան ցեղասպանութիւնը (վրաստանեան կատարմամբ) հանդիսացաւ Թուրքիայում իրականացուած պանթուրքական էթնոցիդի անմիջական հետեւանքը։ Այս օրինակը եւս ցուցում է, որ անհիմն չի ժողովրդի մէջ առ այսօր լայն տարածում ունեցող այն համոզմունքը, որ հարեւան «եղբայրական» խորհրդային հանրապետութիւնների ղեկավարութիւնը չէր խորշում «ժողովրդի թշնամիների» վերելից իջեցուած պլանը ինչպէս

1937ին, նոյնպէս եւ 1949ին կատարել ի հաշիւ բազմահազարանոց հայկական գաղութի ներկայացուցիչներին:



Նկար 13

Վերջին տրանսպարանտում աւելի է որոշակի դրա հակախորհրդային ուղղուածութիւնը: Բանն այն է, որ, եթէ «ցեղասպանութիւնների շարք»ի ցայժմ դիտարկուած ցուցապաստառներում դրանք կարելի էր առաջին հերթին ընկալել իբրեւ հայ-թուրքական (աղբրեջանական) «հակամարտութեան» դրսեւորում, ապա վերջին դէպքում «ձեռք է բարձրացւում» պետական գաղափարախօսութեան վրայ: չէ՞ որ «Սունգալիք»ի կողքի հարցական նշանները տրամաբանօրէն վերձանում են իբրեւ «վերակառուցում» կամ դրան հոմանիշ մէկ այլ տերմին: Իսկ «Վերակառուցում, հրապարակայնութիւն, դեմոկրատացում»ը **ԽՍՀՄ ԿԿԻ Գլխաւոր Քարտուղար Միխայիլ Գորբաչովի** հռչակած, **Սորհրդային Միութեան թէ՛ Կոմունիստական Կուսակցութեան, թէ՛ պետութեան որդեգրած ներքին քաղաքականութեան հիմնական ուղենիշն էր:** Այն, որ գաղափարախօսութեան նկատմամբ նման «ոտնձգութիւնները» ոչայ

էին, վկայում է երեք ամիս անց, 1989 Փետրուարի 28ին յայտնուած մէկ այլ տրանսպարանտ, որտեղ 1915ի եւ 1988ի միջեւ դրուած էր «Վերակառուցում», աւելի ցածր՝ «Սումգայիթ»:

ԿԻՐՈՎԱԲԱԴ-ԳԱՆՁԱԿ, 1990

Յեղասպանութիւնների շարքն օգտագործող ցուցապաստառներում երբեմն կարող է բացակայել 1915ի ցեղասպանութեան յիշատակութիւնը, ինչպէս օրինակ «Սումգայիթ, Մասիս, Շուշի, Խոջալու... Մինչեւ Ե՞րբ» 1988 Նոյեմբերի 7ի տրանսպարանտում (նկ. 13), որտեղ փաստօրէն շեշտուած են հայերի նկատմամբ միայն 1990ի ընթացքում տեղի ունեցած բռնութիւնների դէպքերը:

Յիշեալ շարքը 1990 ապրիլքսանչորսեան երկլեզու յիշեցում-պլակատում հերթական լրացում ստացաւ՝ «Վան... Բիթլիս... Էրզրում... 1915 Van ... Bitlis ... Erzerum ... 75 - Մեծ Եղեռն - Սումգայիթ... Գանձակ... Բաքու... 1990 Sumgait ... Gandzak ... Baku...» (հայերէն եւ ռուսերէն) (նկ. 14): Այս շարքում առաջին եռեակը կազմում են Օսմանեան Թուրքիայի հայկական վիլայէթների անուանումներով խորհրդանշուող 1915ի ցեղասպանութիւնը, իսկ վերջին եռեակը՝ Ադրբեջանի այն քաղաքներն են, որոնց հայազգի բնակչութիւնը կոտորուեց եւ արտաքսուեց 1988-90ի ընթացքում: Այնպէս, ինչպէս 1915-23ին իրականացուած հայերի ցեղասպանութիւնը պայմանականօրէն կոդաւորուած է «1915» թուականով, վերջին տարիների հայկական ջարդերը միաւորուած են ընդհանուր «1990» տարեթուով, չնայած սումգայիթեան եւ գանձակեան (կիրովարադեան) իրադարձութիւնները տեղի էին ունեցել 1988 Փետրուարին եւ աշնանը, իսկ Բաքուի հայերի նկատմամբ բռնութիւնները տեղի էին ունեցել թէ՛ 1988 Նոյեմբերին եւ թէ՛ 1990 Յունուարին:

*

1988ի սկզբի տուեալներով Ադրբեջանի բնակչութեան քանակով երկրորդ խոշորագոյն քաղաք կիրովարադի շուրջ 270000 բնակիչներից աւելի քան 45000ը հայեր էին, որոնցից մօտ 32000ն էր խիտ ձեւով բնակւում հայկական թաղերում: Հայերը քաղաքում (եւ մերձակայ գիւղերում), որն հայկական սկզբնաղբիւրներում յիշուած է Գանձակ ձեւով, բնակւում էին հնագոյն ժամանակներից եւ որոշակի դեր էին խաղում բնակավայրի առեւտրատնտեսական եւ մշակութային կեանքում նրա գոյութեան շուրջ հազար տարիների ընթացքում: Ի. դարասկզբին հայերը բնակւում էին Քիլիսաքեանդ, ինչպէս նաեւ աւելի փոքր Նորաշէն

եւ Երեւանցոց թաղերում ու կազմում էին քաղաքի 33 հազարանոց բնակչութեան մէկ-երրորդը¹⁰⁰ :



Նկար 14

Ձանգուածային բռնութիւնները գանձակահայութեան նկատմամբ (ինչպէս նաեւ Ադրբեջանի հայաբնակ այլ, հանրապետական ենթակայութեան քաղաքներում) սկսուեցին 1988 Նոյեմբերի 21ին¹⁰¹ : Արդէն յաջորդ օրը հայկական թաղերի բնակիչները դիմեցին ինքնապաշտպանութեան, իսկ եւս մէկ օր անց քաղաք մտան խորհրդային զօրամիաւորումներ «հասարակական կարգի պահպանութեան համար» : Նրանց նպատակներից էր՝ ինչպէս ցոյց տուեցին յետագայ իրադարձութիւնները, նպաստել հայերի բռնազաղթին՝ քաղաքից : Ինքնապաշտպանական կռիւների ընթացքում հայերը յաջողութեամբ դիմակայում էին ադրբեջանցիների յարձակումներին, որոնք ամէն անգամ նահանջում էին գոհեր տալով : Սակայն աստիճանաբար սկսւում եւ գնալով մեծ ծաւալների է հասնում (չատկապէս Դեկտեմբերի 7ի Սպիտակի աւերիչ երկրաշարժից յետոյ) բնակչութեան արտագաղթը եւ մէկ տարի անց, 1989 Նոյեմ-

բերի կէսերին Կիրովարադում այլեւ հայեր չկային¹⁰²։ Բնորոշ է, որ «Յանքոժ Յիշատակ Գանձակի Անմեղ Չոհերին» գրութեամբ տրանսպարանտը մարդիկ տանում էին դէպի Յեղասպանութեան գոհերի յուշարձան 1989 Փետրուարի 28ին, այսինքն Սոււմգայիթի հայութեան ցեղասպանութեան տարեդարձին, որի ճակատագիրը կիսեց Կիրովարադի հայութիւնը 9 ամիս անց։



նկար 15

ԲԱՔՈՒ

Խորհրդային Ազրբեջանի մայրաքաղաք Բաքուի շուրջ 1,7 միլիոն բնակիչների աւելի քան 200 հազարը հայեր էին։ Բնորոշ է, որ Ղարաբաղեան Շարժման առաջին իսկ օրերից նրանց անվտանգութեան, յետագայ ճակատագրի հարցը կապւում էր ԼՂԻՄի հարցի ընթացքի հետ ոչ միայն ազրբեջանական ղեկավարութեան, այլ անգամ խորհրդային բարձրագոյն ղեկավարութեան կողմից։ Զօրի Բալայեանին եւ Սիլվա Կապուտիկեանին՝ 1988 Փետրուարի 25ի հանդիպման ժամանակ¹⁰³, Միխայիլ Գորբաչովը հարցադրել էր․ «Իսկ դուք մտածե՞լ եք Բաքուում ապրող 207 հազար հայերի ճակատագրի մասին»։ Այս նշանակում է, որ սկզբից եւեթ հայերին հասկացւում էր, որ Բաքուի հալազգի բնակչութիւնը պատանդի կարգավիճակում է գտնւում եւ խորհրդային իշխանութիւնները ոչինչ չեն կարող (կամ չեն ցանկանայ) ձեռնարկել «յարարեութիւնների սրման» դէպքում¹⁰⁴։

Այդպէս էլ եղաւ։ Բաքուի հայութեան 1905 փետրուարեան, 1918 սեպտեմբերեան ջարդերին յաջորդեցին 1990ի յունուարեան կոտորածները, որոնց արդիւնքում Բաքուն իսպառ դատարկուեց հայերից։ Բաքուի

Հայութեան ջարդերն իրականացուեցին Ադրբեջանի իշխանութիւնների եւ ժողովրդական Ճակատի¹⁰⁶ սերտ համագործակցութեամբ: Հայերին ծեծում էին, կողոպտում էին, թալանում էին գոյքը, բռնարարում էին, սպանում էին հրազէնով, դանակներով, մետաղեայ ձողերով, դուրս էին շարտում շէնքերի պատուհաններից, կենդանի թէ մեռած մարդկանց այրում էին խարոյկներում, մի խօսքով գործի էին դրւում 1915ին եւ յաջորդող ցեղասպանութիւնների մեթոդները: Այս հանգամանքը շեշտուած է նաեւ 1990ի տեղանուանա-տարեթուային սկզբունքով ստեղծուած ապրիլքսանչորսեան մէկ այլ տրանսպարանտում՝ «Ապրիլի 24, Սումգայիթ, Բաքու. Նոյն Չեռագիրն է» (նկ. 15), այսինքն, ժողովրդական ընկալմամբ «Բաքու» տեղանունը՝ «Սումգայիթ»ի նմանողութեամբ, եւս ստացաւ ցեղասպանութեան հոմանիշի կարգավիճակ:

Խորհրդային գորամիաւորումները մտան Բաքու միայն այն ժամանակ, երբ վտանգի ենթարկուեց խորհրդային կարգերի գոյութիւնը: Բաքուում հայկական կոտորածների գոհերի թիւը գերազանցում է 400ից, սակայն հայ բնակչութեան ջարդերի վերաբերեալ գործի քննութիւն այնպէս էլ չկատարուեց: Հերթական ցեղասպանութիւնը հերթական անգամ չդատապարտուեց¹⁰⁶:

*

Մէկ ուրիշ պլակատ եւս ցոյց է տալիս, որ Օսմանեան Թուրքիայի տարածքում կատարուած Ի. դարի առաջին ցեղասպանութիւնը, յառաջ բերելով ցեղասպանութիւնների շարքերով ցուցապաստառներ, 1980ականների վերջերին կարող է ընդհանրապէս չյիշատակուել: Նման պարագայում ուշադրութիւն է հրաւիրւում գլխաւորապէս Ադրբեջանի տարածքում եւ ադրբեջանցիների ձեռքով իրականացուած ցեղասպանութիւններին, ինչպէս օրինակ, 1988 նոյեմբերեան «Յեղասպանութիւն. Բաքու, Շուշի, Նախիջեւան, Արցախ, Սումգայիթ, Մասիս, Խոջալու» տրանսպարանտում¹⁰⁷:

ԵԶՐԱԿԱՑՈՒԹԻՒՆ

Ղարաբաղեան Շարժման տարիներին, սումգայիթեան ջարդերից յետոյ, հայ ժողովրդի կամ նրա առանձին հատուածների, մարդկանց մեծ ու փոքր խմբերի գոյութեանը սպառնացող կամ որպէս այդպիսին ընկալուող ցանկացած վտանգ դիտոււմ-գնահատոււմ էր ցեղասպանութեան լոյսի ներքոյ: Արդիւնքում «ցեղասպանութիւն» եզրի գործածմամբ առաջին պլան մղուեցին մի շարք հասկացութիւններ, որոնք, եթէ մինչ այդ անգամ օգտագործոււմ էին մասնագիտական համեմատարար

նեղ շրջանակներում, սակայն երբեք չէին ունեցել այդքան ծաւայուն ընդգրկում: Այսպէս, Ղարաբաղեան Շարժման տարիներին «ցեղասպանութիւն» հասկացութիւնը՝ ժողովրդական ընկալմամբ, իր մէջ ներառեց «սպիտակ եղեռն» (Նախիջեւանի ու Լեռնային Ղարաբաղի հայաթափման օրինակով), «Էկոլոգիական ցեղասպանութիւն», «կենսաբանական, քիմիական եղեռն» (հայկական ատոմակայանի, քիմիական հսկայ «Նայիրիտ»ի օրինակով), «մշակութային, հոգեւոր եղեռն» (հայոց լեզուի դերի նուազման, Հայաստանի սահմաններից դուրս հայկական յուշարձանների ոչնչացման օրինակով) հասկացութիւնները¹⁰⁸: Յանձին ստալինիզմի՝ խորհրդային ամբողջատիրութեան որոշ ցայտուն դրսեւորումներ, իսկ որոշ քաղաքական ուժերի կողմից խորհրդային կարգերն ընդհանրապէս¹⁰⁹ դիտարկուեալ էին ցեղասպանութեան լոյսի ներքոյ:

Այս գործընթացը չաւարտուեց Ղարաբաղեան Շարժմամբ:

Անկախութեան կայացման ոչ-հեշտ տարիներն ուղեկցուեալ էին աղքատութեան աճով ու հարիւրհազարաւոր մարդկանց արտագաղթով, ինչը շատ-շատերի կողմից գրոյցներում, երբեմն եւ մամուլում, համեմատուեալ էր ցեղասպանութեան հետ:

Այսօր եւս այս գործընթացը շարունակուեալ է: Այսպէս, 2004ի դարնանը «սպիտակ եղեռն» էր որակուեալ բակալաուրիատն աւարտած ուսանողներին, ասպիրանտներին, անգամ՝ երիտասարդ գիտութեան թեկնածուներին բանակային պարտադիր ծառայութիւն անցնելու օրէնքի նախագիծը («Սպիտակ Եղեռնը Սկսել Են Գիտութիւնից»)՝¹¹⁰: Նոյն ոճով, «Մշակութային Եղեռն» էր որակուեալ Երեւանի կենտրոնում քաղաքի դիմագիծը բնորոշող նախայեղափոխական շրջանի շինութիւնների աւերումը¹¹¹ եւ՝ 2005 Յունիսին «Հոգեւոր Եղեռն» էր դիտուեալ սոցիալական քարտերի համակարգի ներդրման գործընթացը («Համարակալումը Հոգեւոր Եղեռն Է») եւն.:

Այսպիսով մենք տեսանք, որ Ղարաբաղեան Շարժման տարիների ցուցապաստառներում արտացոլուած է ԺԹ- դարավերջ-ի- դարի հայերի ցեղասպանութեան, կոտորածների ու ջարդերի գրեթէ ողջ ներկայնակը, ինչը վկայուեալ է նաեւ, որ դրանք Ի- դարավերջի հայութեան հաւաքական եւ պատմական, տրաւմատիկ երանգներ ունեցող յիշողութեան նկատելի մասն են կազմում:

ԺԹ- դարավերջ-ի- դարասկզբի ցեղասպանութեան ու կոտորածների թեմայի նշանակալի առկայութիւնը հայոց հաւաքական եւ պատմական յիշողութեան մէջ պատճառաբանուած է նաեւ սումգայիթեան ջարդերի փաստով եւ ցուցում է հայերի նկատմամբ արիւնայի բռնութիւն-

ների շարունակականութեան, դրանց միջեւ ասես գենետիկ կապի առկայութեան գաղափարը: Ուստի պատահական չէ, որ սուսմագայիթեան ոճրագործութիւնները հեշտութեամբ ընկալուում էին իբրեւ Օսմանեան կայսրութեան ժամանակներից սկսած հայերի նկատմամբ կիրառուող ցեղասպանութեան քաղաքականութեան ընդհանուր շղթայի օղակներից մէկը:

ՄԱՆՕԹԱԳՐՈՒԹԻՒՆՆԵՐ

- ¹ Տե՛ս, մասնաւորապէս՝ "Iconography of Gharabagh Movement: An Index of the Transformation of Armenian Identity," *Armenian Forum. A Journal of Contemporary Affairs*, volume 2, number 4, Winter 2000, էջ 39-55, նաեւ՝ «Հայ ինքնութեան Ձեւափոխման Հիմնական Ուղղութիւնները Ղարաբաղեան Ծարժման Տարիներին», «Հայագիտական Արդի Վիճակը Եւ Նրա Զարգացման Հեռանկարները» Հայագիտական Միջազգային Առաջին Համաժողով, Չեկուցումների Դրոյթներ, Երեւան, 2003, էջ 55-56, նաեւ՝ «Ցեղասպանութեան Յիշողութիւնը Որպէս Նոր Ինքնութեան Ձեւաւորիչ (1980ական Թուականների Վերջ-1990ական Թուականների Սկիզբ)», *Պատմաբանասիրական Հանդէս*, 2005, թիւ 1, էջ 55-66:
- ² Տե՛ս, մասնաւորապէս՝ Եւրոպական Մարտիան, «Մենք Պէտք է Կուենք Եւ Ոչ Լաց Լինենք...»: Անցեալի Եւ Ներկայի Վերագնահատման Գործընթացը Ղարաբաղեան Ծարժման Համատեքստում», *Հանդէս Ամսօրեայ Հայագիտական Ուսումնասիրիթ*, Վրեննա, 2003, էջ 411-468:
- ³ Այն՝ երբ կոնցեպտուալ արուեստին բնորոշ միտքը պարզաբանուում է խորհրդանշական եւ անսպասելի լուծումներով: Մանրամասն տե՛ս՝ Լ. Արրահամեան, Յ. Մարտիան, «Քաղաքական Ելույթների Պատկերագրական Լեզուի Ծուրջ (Ղարաբաղեան Ծարժման Ցուցապատումների Օրինակով)», *Հայ Արուեստին Նուիրուած Հանրապետական VIII Գիտական Կոնֆերանս: Չեկուցումների Թեզիսներ*, Երեւան, ՀՀ ԳԱԱ «Գիտութիւն» Հրատարակչութիւն, 1997, էջ 5-6:
- ⁴ Տրանսպարանտի հեղինակները օգտագործել են «ոճիր» եւ «վճիռ» բառերի հնչողութեան մօտիկութիւնը, մի մեթոդ, որը բառախաղի, յանգաւորման եւ ակրոստիկի օգտագործման մեթոդների հետ լայնօրէն կիրառուում էր ցուցապատումների ստեղծման գործընթացում:
- ⁵ Տէր Զօրի մասին տե՛ս, օրինակ՝ Արամ Անտոնեան, *Մեծ Ոճիրը: Հայկական Վերջին Կոտորածները Եւ Թայէադ Փաշա, Պոսթըն*, 1921, երրորդ գլուխ («Տէր Զօրի Զարդերը»), էջ 78-88, 109-112, նաեւ՝ Տէր-Զօր, *Հեղինակ Աղէտէն Վերապրողներ* (հաւաքեց Լեւոն Մեսրոպ), Փարիզ, տպարան Պ. Էլէկեան, 1955, էջ 228-239 («Զարդարար (Չեչէն Մահմուտ Պէկի Պատմածները)», նաեւ՝ Երուանդ Տէրենց, *Եւ Տեսայ Տէր-Զօրի Դժոխքը*, Պէյրութ, տպարան Սեւան, 1966, նաեւ՝ Վերթինէ Սվազյեան, *Հայոց Ցեղասպանութիւն Ականատես Վերապրողների Վկայութիւններ*, Երեւան, ՀՀ ԳԱԱ «Գիտութիւն» Հրատարակչութիւն, 2000:
- ⁶ Թուրքական եւ ֆալստական համակենտրոնացման ճամբարների կապին է անդրադարձել նաեւ Պարոյր Սեւակը «Եռաձայն Պատարագ» պոէմում:
Հիմ Չանգըրըից իր սկիզբն առաւ Բուխենվալդը նոր,
Օսվենցիմների սկիզբը դրուեց Դէր-Զօրում միայն,

Մայրամասերը Չիարեթներում հիմնադրուեցին,

Դախաունները՝ Էնկիրիներում, Ռաքքաում, Բարում... (Պ. Սեւակ, *Եղիցի* Լոյս, Երևան, «Հայաստան» Հրատարակչություն, 1969, էջ 273, ընդգծումներն իմն են - Յ.Մ.):

⁷ «Sumgait» ուսերէն բառի առջեւը նկարուած էր արեան կաթիլ: Հմմտ.՝ 1988ի մարտի-ուրեմբեան պրակատի հետ, որտեղ նոյնպէս պատկերուած է կոտորած, ջարդ խորհրդանշող արեան կաթիլ: Այս եւ միւս լուսանկարների հեղինակը տողերիս գրողն է, բացառութեամբ սիրալուստի մեզ տրամադրուած թիւ 5ի (հեղինակ՝ Լեւոն Աբրահամեան) եւ թիւ 7ի (հեղինակ՝ Զաւէն Ռաչիկեան):

⁸ Տե՛ս՝ Արմենակ Մանուկեան, *Քաղաքական Բռնաճնշումները Հայաստանում 1920-53թթ.*, Երևան, «Առերեսում»-Անի Հրատարակչություն, 1999, էջ 19:

⁹ Ճիշտ է, հաշուարկները կատարուած են միայն Հայաստանեան արխիւային նիւթի հիմամբ, քանի որ 1991ի ԽՍՀՄ փլուզումից յետոյ այդ երեւոյթի մասին փաստաթղթեր պահպանող նախկին ՊԱԿի արխիւները դարձել են անկախ հանրապետութիւնների սեփականութիւնները: Մասնաւորապէս հայկական բազմաքանակ գաղութներ ունեցող Ռուսաստանում դրանք գտնուում են առանձին տարածքային միաւորումների մէջ, Վրաստանում՝ հրդեհի հետեւանքով այրուել են, Ադրբեջանի հետ կան յայտնի դժուարութիւններ եւն. (Մանուկեան, էջ 6):

¹⁰ Մանուկեան, էջ 20:

¹¹ Մանուկեան, էջ 25:

¹² Յիշեալ քարտէզների մասին տե՛ս, նաեւ՝ Յարութիւն Մարութեան, «Քարտէզը Որպէս Ինքնութեան Խորհրդանշան», *Հանդէս Ամսօրեայ Հայագիտական Ուսումնաթերթ*, Վիեննա, 2006, էջ 454-455:

¹³ Հայկական ԽՍՀ Գերագոյն Խորհրդի ընդունած համապատասխան որոշման մէջ սուլմագայիթեան իրադարձութիւնները զնահատուեցին որպէս «ոճրագործութիւններ», այլ ոչ ցեղասպանութիւն (Մովսէսեան *Հայաստան*, 16 Յունիսի 1988):

¹⁴ Պրակատի մանրամասն դիտարկումը, ինչպէս նաեւ ցուցապատառներում փոքրատառերի օգտագործման բացատրութիւնը տե՛ս՝ Յարութիւն Մարութեան, «Հայ Պօէզիան Որպէս Ինքնութեան Պատկերագրութիւն (Ըստ Ղարաբաղեան Եարժման Յեղասպանութեանը Նուիրուած Ցուցապատառների)», *Հայկազեան Հայագիտական Հանդէս*, Հատոր Ի., Պէյրութ, 2000, էջ 276-79, նաեւ՝ «Սուլմագայիթեան Ջարդեր. Իրողութիւն, Գնահատում եւ Պատմական Յիշողութիւն», *Հանդէս Ամսօրեայ Հայագիտական Ուսումնաթերթ*, Վիեննա, 2002, էջ 182-183:

¹⁵ Տե՛ս՝ Ա. Ն. Մնացականեան, *Հայ Ժողովրդի Ողբերգութիւնը Ռուս Եւ Համաշխարհային Հասարակական Մտքի Գնահատմամբ*, Երևան, «Հայաստան» Հրատարակչություն, 1965, էջ 161ին նախորդող լուսանկարը:

¹⁶ Մանրամասն տե՛ս՝ "Bratskaya Pomosh Postradavshim V Turtsii Armyanam" (Եղբայրական օգնութիւն թուրքիոյ մէջ տուած հայերին) "Vvedenie, Otdel II," *Literaturno-nauchiny Sbornik*, ("Ներածութիւն, Երկրորդ Բաժին," Գրականագիտական ժողովածու), Մոսկուա, Ալեքսանտրով Տպարան, 1897, նաեւ՝ Մնացականեան, *Հայ Ժողովրդի Ողբերգութիւնը*, էջ 26-28, նաեւ՝ Կ. Զ. Թառոյեան, *Արեւմտահայերի Ազատագրական Պայքարը XIX Դարի Վերջերին Եւ XX Դարի Սկզբներին*, Երևան, «Հայաստան» Հրատարակչություն, 1980, էջ 106-121, նաեւ՝ Զ. Կիրակոսեան, *Երիտթուրքերը Պատմութեան Դատաստանի Առաջ (19-րդ դարի 90-ական թթ. -1914թ.)*, գիրք առաջին, Երե-

- ւան, «Հայաստան» Հրատարակչություն, 1982, էջ 52-63, նաև՝ Մ. Կ. Պողոսյան, Գոյա-
տեւան Պաշարի Քառուղիներում (Փաստեր, Վկայություններ Եւ Մեկնարանություն-
ներ), Երևան, «Հայաստան» Հրատարակչություն, 1988, էջ 214-259, նաև՝ Հայերի Յե-
ղասպանությունը Օսմանեան Կայսրությունում: Փաստաթղթերի Եւ Նիւթերի Ժողո-
ջածու (Կազմ՝ Մ. Գ. Ներսիսեան, Ռ. Գ. Սահակեան, Մ. Գ. Ներսիսեանի խմբագրու-
թեամբ), Երևան, «Հայաստան» Հրատարակչություն, 1991, էջ 30-197, նաև՝ Ա. Ս.
Համբարեան, «Վան-Վասպուրականի 1896թ. Ինքնապաշտպանական Մարտերը»,
Պատմարանասիրական Հանդէս, 1997, թիւ 1, էջ 25-32:
- ¹⁷ Ա. Ս. Համբարեան, «Կրիկիայի 1909թ. Հայկական Կոտորածները», Պատմարանասի-
րական Հանդէս, 1988, թիւ 4, էջ 13:
- ¹⁸ Տե՛ս՝ Մուշեղ Եպիսկոպոս, Ատանայի Զարգր Եւ Պատասխանատուները (Նախընթաց
Պարագաներ), Գաշիրէ, տպարան Արարատ-Ս. Դարբինեան, 1909, էջ 9, 20-25, 29-30,
37-39, 44-47:
- ¹⁹ Յակոբ Ե. Թերզեան, Կրիկիայ Աղէտը. Ականատեսի Նկարագրություններ, Վաւերա-
թուղթեր, Պաշտօնական Տեղեկագիրներ, Թղթակցություններ, Վիճակագրություններ
Եւ Այլն, Կարեւոր Պատկերներով, Կ. Պոլիս, տպագր. Ե. Ասատուրեան եւ որդիք, 1912,
էջ 55:
- ²⁰ Հմմտ՝ Ժամանակակցի հետեւեալ դիտարկման հետ. «Հոս ծիծ ուտող երախան ան-
գամ կրնայ այսօր ապացուցանել թէ Ատանայի կոտորածը, բալանն ու հրկիզումը
վախիմ գիտութեամբը եւ կարգ մը իսլամ պաշտօնեաներու եւ երեսիներու ձեռքովը
երկարօրէն պատրաստուած դժոխային քլանի մը գործադրութիւնն եղաւ» (Մուրէն
Պարթեւեան, Կրիկեան Արհաւիրքը, Կ. Պոլիս, Գրատուն Նշան-Պապիկեան, 1909, էջ
38), նաև՝ Մուշեղ Եպիսկոպոս, էջ 51-52, 58-59, 61-63:
- ²¹ Թերզեան, էջ 110:
- ²² Մուշեղ Եպիսկոպոս, էջ 3:
- ²³ Հայերի Յեղասպանությունը, էջ 252-253:
- ²⁴ Մանրամասն տե՛ս՝ Զապէլ Եսայեան, Աւերակներուն Մէջ, թիւ 1, Կ. Պոլիս, ՀՀԸ, 1911,
նաև՝ Ե. Թ. Թորոսեան, Կրիկիայի Հայերի Ազգային-ազատագրական Եարժումները
1919-1920թթ., Երևան, Երևանի Համալսարանի Հրատարակչություն, 1987, էջ 25-37,
նաև՝ Ռ. Հ. Գասպարեան, «Աղանայի 1909թ. Կոտորածները», Հրաբեր Հասարակա-
կան Գիտությունների, 1990, թիւ 4, էջ 24-35, նաև՝ Հայերի Յեղասպանությունը, էջ
230-266:
- ²⁵ Թերզեան, էջ 278-281:
- ²⁶ Համբարեան, Կրիկիայի..., էջ 24-25:
- ²⁷ Նոյն, էջ 29:
- ²⁸ Հարցի շուրջ մանրամասն տես՝ Ե. Ղ. Սարգսեան, Թուրքիան Եւ Նրա Նուաճողական
Քաղաքականությունը Անդրկովկասում, Երևան, «Հայաստան» Հրատարակչու-
թիւն, 1964, էջ 365-366, 372, նաև՝ Iz Istarii Inostrannoi Interventsii V Armenii V 1918 Godu
(Dokumente i Materiali) (Հայաստանում 1918ին օտար ինտերվենցիայի պատմութիւ-
նից փաստաթղթեր եւ նիւթեր), Երևան, Երևանի Համալսարանի Հրատարակչու-
թիւն, 1970, էջ 49-114, նաև՝ Ա. Հ. Յարութիւնեան, Թուրքական Ինտերվենցիան Ան-
դրկովկաս 1918թ. Եւ Ինքնապաշտպանական Կռիւները, Երևան, Հայկական ՍՍՀ ԳԱ
Հրատարակչություն, 1984, էջ 112-174:
- ²⁹ Սարգսեան, Թուրքիան, էջ 366-367:

³⁰ Յարութիւնեան, Թուրքական, էջ 163:

³¹ Հայերի Յեղասպանութիւնը, էջ 638-639:

³² Նոյն, էջ 644:

³³ Է. Ա. Չոհրաբեան, 1920թ. Թուրք-հայկական Պատերազմը Եւ Տէրութիւնները, Երեւան, Ռսկան Երեւանցի Հրատարակչութիւն, 1997, էջ 167-173:

³⁴ Մանրամասն տե՛ս՝ Մ. Խ. Կարապետեան, 1920 թ. Հայ-թուրքական Պատերազմը Եւ Սովետական Ռուսաստանը, Երեւան, «Հայաստան» Հրատարակչութիւն, 1965, էջ 31, նաեւ՝ Ե. Ղ. Սարգսեան, «Քեմալականների 1920-21թթ. Արշաւանքն Անդրկովկաս Եւ 1921թ. Մարտի 16ի Մոսկովեան Պայմանագիրը», Հրաբեր Հասարակական Գիտութիւնների, 1992, թիւ 1, էջ 24, նաեւ՝ Չոհրաբեան, էջ 210:

³⁵ Կարապետեան, էջ 32:

³⁶ A. B. Kadishev, *Interventsiya I Grajdanskaya Voyna V Zakavkaze* (Ինտերվենցիան եւ քաղաքացիական պատերազմը Անդրկովկասում), Մոսկուա, ՍՍՀՄ Պաշտպանութեան Նախարարութեան Ռազմական Հրատարակչութիւն, 1960, էջ 321, նաեւ՝ Սարգսեան, Քեմալականների, էջ 23:

³⁷ Տես՝ A. N. Khayfets, *Sovetskaya Rossiya I Sopredelniye Stranii V Godii Grajdanskoy Voyni (1918-1920)* (Սովետական Ռուսաստանը եւ սահմանակից երկրները քաղաքացիական պատերազմի տարիներին. 1918-1920), Մոսկուա, «Նաուքա» Հրատարակչութիւն, 1964, էջ 138-139, 142, նաեւ՝ Չոհրաբեան, էջ 187-193:

³⁸ Ամերիկացի ականատեսը վկայում է, որ թուրքերի՝ Ալեքսանդրապոլից հեռանալուց յետոյ այցելելով Չաֆուռի լեռնանցքի գագաթ, նա տեսել է շուրջ 1200-1500 դիակներ, մեծ մասամբ՝ մանկանց: Նա եզրակացրել է, որ զոհերին սպանել են հիմնականում սուիներով կամ այլ սառը գէնքով, ինչը հաստատուում է նաեւ բազմաթիւ բնորոշ վէրքերով՝ կտրուած ստինքներ, յղի կանանց ճղած որովայններ եւն: Ամենաբնութագրականն եղել է այն, որ բացակայել են տղամարդկանց դիակները: տարիքով ամենամեծը եղել է հազիւ 14 տարեկան տղայի դի (Մ. Գ. Ներսիսեան, «Քեմալական Զորքերի Բարբարոսութիւնները Արեւելեան Հայաստանում 1920թ. Վերջին Եւ 1921թ. Սկզբներին», Պատմարանասիրական Հանդէս, 1998, թիւ 1-2, էջ 254-55):

³⁹ Մանրամասն տե՛ս՝ Սարգսեան, Թուրքիան, էջ 497-500, նաեւ՝ Կարապետեան, էջ 47-48, 50, նաեւ՝ Ա. Ալեքսանդրեան, Կարս. 1920-21, Երեւան, «Հայաստան» Հրատարակչութիւն, 1986, էջ 31-35, 45, 50-51, նաեւ՝ Չոհրաբեան, էջ 261-262, նաեւ՝ Ներսիսեան, Քեմալական, էջ 247-256: Խորհրդահայ պատմարան-արեւելագէտ Դ. Զաւրիեւի տուեալներով (յենուած հայաստանեան արխիւային նիւթերին), թուրքական զօրքերի կողմից 1920ին գրաւուած տարածքներում սպանուել է 60 հազար մարդ, վիրաւորուել՝ 56 հազար, սովից մահացել՝ 32 հազար, բռնաբարուել 50 հազար եւն: (D. S. Zavriyev, *K noveyshei istorii severovostochnikh vilayetov Turtsii* (Թուրքիայի հիւսիս-արեւելեան վիլայէթների նորագոյն պատմութիւն), Թբիլիսի, Թբիլիսիի Պետական Համալսարանի Հրատարակչութիւն, 1947, էջ 96):

⁴⁰ *Sovetskaya Istoricheskaya Entsiklopediya* (Սովետական պատմական հանրագիտարան), Հատոր 1, Մոսկուա, Պետական Գիտական Հրատարակչութիւն «Սովետական էնցիկլոպեդիա», 1961, էջ 753:

⁴¹ Այս բնակավայրի տեղադրութեան մասին առաջին տեղեկատուութեամբ պարտական եմ Յեղասպանութեան Թանգարան-Ինստիտուտի նախկին գիտաշխատող, ազգագրագէտ Լուսինէ Խաչատրեանին:

- ⁴² Մանրամասն տե՛ս՝ Մինաս Գասպարեան (Ծարհատ), Հայերը Նիկոմիդիոյ Գաւառին Մէջ. Ուսումնասիրութիւն Հիւսիսարեւմտեան Յուսկաններով Եւ Քարաէսոյ, Պարտիզակ, տպագր. «Ազատամարտ»ի, 1913:
- ⁴³ Մէկ այլ հեղինակ նշում է. «Ընդդէմ լեւոնային մեծ Հայ գիւղ մը, անտիկ դիրքով օժտուած: Տեղոյն Հայք, մօտ 8000, յեղափոխական, քաջ մարդիկ էին» (Մ. Մոցիկեան, Արեւմտահայ Աշխարհ, Նիւ-Եորք, տպագր. Ա. Յ. Լէյլէկեան, 1943, էջ 481):
- ⁴⁴ Նոյն, էջ 44-45, 242-244:
- ⁴⁵ Թէոդիկ, Գողգոթի Հայ Հոգեւորականութեան Եւ Իր Հօտին Աղէտայի 1915 Տարիին, Նիւ Եորք, տպ. Սր. Վարդան, 1985, էջ 375-376:
- ⁴⁶ Մոցիկեան, էջ 478:
- ⁴⁷ Ստ. Պողոսեան, Կ. Պողոսեան, Հայկական Հարցի Եւ Հայոց Յեղասպանութեան Պատմութիւն, Հատոր երրորդ (Տարածքային Եւ Քաղաքական Կորուստներ. Քեմալիզմ), գիրք երրորդ, Երեւան, «Հայաստան» Հրատարակչութիւն, 2003, էջ 215:
- ⁴⁸ Գնել եպիսկոպոս Ճէրէճեան, «Հաճընի Դիւցազնական Ինքնապաշտպանութիւնը», 1915-1965, Յուշամատենան Մեծ Եղեռնի, Պէյրութ, տպարան Ատրաս, 1965, էջ 887:
- ⁴⁹ Մանրամասն տե՛ս՝ Յ. Պ. Պողոսեան, Հաճընի Ընդհանուր Պատմութիւնը Եւ Երջակայ Գօզան-Տաղի Հայ Գրիգորը, Լոս Անճելըս, Պոզանեան տպագրութիւն, 1942, էջ 619-717, նաեւ՝ Սոկրատ Յ. Թերզեան, Հաճընի Ութամսեայ Դիւցազնամարտը (Պատկերազարդ), Աթէնք, 1937, էջ 130-392, նաեւ՝ Արամ Ասպետ, Դրուագներ Հաճընի Հերոսամարտին Եւ Հերոսին Ոգիսականը, Պէյրութ, տպարան Տօնիկեան, 1961, էջ 75-247, նաեւ՝ Ռ. Գ. Սահակեան, Թուրք-Ֆրանսիական Յարարելութիւնները Եւ Կիլիկիան 1919-1921թթ., Երեւան, Հայկական ՍՍՀ ԳԱ Հրատարակչութիւն, 1970, էջ 166-189, նաեւ՝ Թորոսեան, էջ 177-213, նաեւ՝ Լ. Ե. Ղազարոսեան, «Հաճընի Հերոսամարտը», Հրաբեր Հասարակական Գիտութիւններ, 1990, թիւ 11, էջ 21-33:
- ⁵⁰ Տե՛ս՝ Ա. Սառատեան, «Հայ Գաղթականութիւնը Էգէյանի Մերձափնեայ Երջանում (XIV-XVIII դդ.)», Պատմարանասիրական Հանդէս, 1988, թիւ 4, էջ 30-43:
- ⁵¹ Ժ. Պարավերջին, քաղաքի 340 հազար բնակչութեան պայմաններում, Հայերի թիւը կազմում էր շուրջ 11 հազար (Լ. Յակոբ Վ. Բօսեան, Հայք Ի Չմիւսնա Եւ Ի Երջակայս, Հատոր Ա., Վիեննա, Միտթարեան տպարան, 1899, էջ 43):
- ⁵² Մոցիկեան, էջ 207-216, նաեւ՝ Ստ. Պողոսեան, Կ. Պողոսեան, էջ 200-201:
- ⁵³ Ստ. Պողոսեան, Կ. Պողոսեան, էջ 203, 209:
- ⁵⁴ Տե՛ս՝ Մ. Գ. Ներսիսեան, «Մի Բանափէճ Չմիւսնիայի 1922 Թուականի Ողբերգութեան Մասին (Չմիւսնիայի Հայ Եւ Յոյն Բնակչութեան Չարգերի 70ամեակի Առթիւ)», Պատմարանասիրական Հանդէս, 1992, թիւ 2-3, էջ 89-90:
- ⁵⁵ Չմիւսնահայ Կեանքը Չիւսնադարէն Յետոյ. Ահաւոր Փլուզումը, Աթէնք, տպարան «Նոր Օր», 1924, էջ 36:
- ⁵⁶ Մոցիկեան, էջ 216:
- ⁵⁷ Ստ. Պողոսեան, Կ. Պողոսեան, էջ 202-203:
- ⁵⁸ Տե՛ս՝ Ներսիսեան, «Մի Բանափէճ», էջ 87-92, նաեւ՝ Ստ. Պողոսեան, Կ. Պողոսեան, էջ 212:
- ⁵⁹ Մինաս Ճիւհանեան, «Չմիւսնոյ Աղէտը, Գրրգ-Աղածի Հայոց Ազատումը (1922 Սեպտեմբեր)», 1915-1965 Յուշամատենան Մեծ Եղեռնի, էջ 893:
- ⁶⁰ Հմմտ.՝ Հմայեակ Գրանեան, «Հայ Որբութիւնը», 1915-1965 Յուշամատենան Մեծ Եղեռնի, էջ 926-952:

- ⁶¹ Այստեղ սխալ է նշուած Բաքուում իրականացուած Հայերի կոտորածի տարեթիւր-
պէտք է լինի 1918, ինչպէս որ է նախորդ եւ յաջորդ ցուցապաստառներում:
- ⁶² Յատկանշական է, որ այդ ցեղասպանութեան տարեդարձի առթիւ յայտնուեց մի պա-
կատ՝ «1918-1988 Սեպտ. 15 Այսօր Լրանում Է Բարոյի Հայերի Արիմտտ Յեղասպա-
նութեան 70 Տարին» գրութեամբ եւ անկիւնում՝ Եղեռնի զոհերի յուշարձանի ուր-
ուանկարով:
- ⁶³ Մանրամասն տե՛ս՝ Վ. Ա. Միքայէլեան, Ս. Ս. Միրզոյեան, «Հայերի Մասնակցութիւնը
Արեւելեան Անդրկովկասի Տնտեսական Կեանքում (18րդ Դարի Երկրորդ Կէսին-20րդ
Դարի Առաջին Տասնամեակին)», *Լրաբեր Հասարակական Գիտութիւնների*, 1990, թիւ
2, էջ 74-81:
- ⁶⁴ Տե՛ս՝ Bakhshi Ishkhanyan, *Velikie Uzhasi V Gorode Baku. Anketnoye Issledovanie
Sentyabrskikh Sobitiiy 1918 Goda* (Մեծ սարսափներ Բաքու քաղաքում. 1918 թուականի
սեպտեմբերեան դէպքերի անկետային ուսումնասիրութիւններ), Թիֆլիս, Բաքուի
Հայկական Ազգային Խորհրդին Կից Անկետային Յանձնաժողովի Հրատարակչու-
թիւն, 1920, էջ 7:
- ⁶⁵ Տե՛ս՝ G. Chalkhushyan, *Krasnaya Kniga* (Կարմիր գիրքը), Թիֆլիս, 1919, էջ 153, 157:
- ⁶⁶ Ishkhanyan, էջ 99-100:
- ⁶⁷ Տե՛ս՝ A. A. Zakaryan, "Sergey Rafailovich Ob Armenii I Armyanakh" (Սերգէյ Ռաֆա-
յիլովիչը Հայաստանի եւ Հայերի մասին), *Լրաբեր Հասարակական Գիտութիւնների*,
1990, թիւ 2, էջ 90:
- ⁶⁸ Տե՛ս, մասնաւորապէս՝ Հայերի Յեղասպանութիւնը, էջ 620, նաեւ՝ Chalkhushyan, էջ
153, 159, նաեւ՝ Ա. Լ. Մանուշարեան, «1918 թ. Բաքուի Հայկական Ջարդերը (ԳՅՀի
Արտաքին Գործերի Մինիստրութեան Քաղաքական Արխիւի Փաստաթղթերը)» *Լրա-
բեր Հասարակական Գիտութիւնների*, 1990, թիւ 6, էջ 79:
- ⁶⁹ Վերջիններիս առկայութիւնը գլխաւորապէս պայմանաւորուած էր ի հետեւանս այն
հանգամանքի, որ ԺԼ՝ դարի կէսերին բնակավայր էր ներթափանցել ու հաստատուել
թուրքական Ջեւանշիր վաչկատուն ցեղը, որի առաջնորդ Փանահ խանը Շուշին դար-
ձրել էր իր նստավայրը ու պարբերաբար այստեղ էր փոխադրում իր ցեղակիցներին:
- ⁷⁰ Տե՛ս՝ Զ. Գ. Սարգսեան, «Շուշի Քաղաքի Բնակչութեան Էթնիկ Կազմը Եւ Նրա Եար-
ժընթացը (XIXդ.-XXդ. Սկիզբ)», Հանրապետական Գիտական Նստաչրջան. 1986-
1988թթ. Ազգաբանական Եւ Բանագիտական Դաշտային Հետազոտութիւնների Հիմ-
նական Արդիւնքները. Չեկուցումների Հիմնադրոյթներ, Երեւան, Հայկական ԽՍՀ
ԳԱ Հրատարակչութիւն, 1990, էջ 56-58, հմտ.՝ Ռ. Հ. Տէր-Փասպարեան, «Շուշու
Բնակչութիւնը 18րդ Դարից Մինչեւ Մեր Օրերը», Հայկական ՍՍԽ Գիտութիւնների
Ակադեմիայի Տեղեկագիր, 1963, թիւ 9, էջ 67-76, որտեղ հեղինակն այն համոզմունքն է
յայտնում, որ ԺԹ՝ դարավերջում Ֆիքսուած 33000ից Շուշուայ բնակչութիւնը մինչեւ
1920ի իրադարձութիւնները շատ չի աճել:
- ⁷¹ Տե՛ս, մասնաւորապէս՝ Գ. Ա. Յովհաննիսեան, *Սովետական Իշխանութեան Հաստա-
տումը Լեռնային Ղարաբաղում*, Երեւան, Երեւանի Պետական Համալսարանի Հրա-
տարակչութիւն, 1971, նաեւ՝ Nagorniy Karabakh V 1918-1923 Godakh. Sbornik
Dokumentov I Materialov (Լեռնային Ղարաբաղը 1918-1923 թուականներին. փաստա-
թղթերի եւ նիւթերի ժողովածու), պատասխանատու խմբագիր՝ Վ. Ա. Միքայէլեան,
Երեւան, Հայաստանի ԳԱ Հրատարակչութիւն, 1992, նաեւ՝ Բազրատ Ուլուբարեան,

Արցախեան Գոյապայքարը, Ա., Երևան, «Գիր Գրոց» Հրատարակչութիւն, 1994, մասն Ա., էջ 3-163:

⁷² Մահճեղական Նոր տարուայ օրը:

⁷³ Լէօ, Անցեալից-Յուշեր, Թղթեր, Դատումներ, Թիֆլիս, Հրատարակչութիւն «Խորհրդային Կովկաս», 1925, էջ 437-439, նաեւ՝ Բազրատ Ուլուբարեան, Արցախեան Գոյապայքար, Ա., էջ 78-79, նաեւ՝ Բակուր, Շուշի Բերդաբաղաբը (Պատմութիւնը Մինչեւ 1920թ.), Երևան, Երևանի Պետական Համալսարանի Հրատարակչութիւն, 2000, էջ 276-280:

⁷⁴ Տե՛ս՝ Բակուր, էջ 279-280:

⁷⁵ Տե՛ս՝ Nagorniy Karabakh, էջ 393, 395, 396:

⁷⁶ Բակուր, էջ 281:

⁷⁷ «Շուշուայ Կոտորածը», Գրական Թերթ, 11 Նոյեմբերի 1988, թիւ 46 (2314):

⁷⁸ Լէօ, Անցեալից, էջ 438: Հայականուոր պատմարանը 1918ից ի վեր Թիֆլիսում գործող Ղարաբաղի Եւ Չանդեղուրի Հայերի Հայրենակցական Միութեան վարչութեան նախագահն էր եւ ի մօտոյ էր առնչուում Ղարաբաղում զարգացող իրադարձութիւններին: Նշուած գրքում մէկ էջ յետոյ նա սրտի ցաւով արձանագրում է, որ «Իմ դժբախտ, սրտիս սիրելի ծննդավայրը խորովուեց բոցերի մէջ»:

⁷⁹ Տե՛ս՝ Nagorniy, էջ 416:

⁸⁰ Տե՛ս՝ Marietta Shahinyan, Sovetskoye Zakavkazye. Ocherki (Սովետական Անդրկովկասը-ակնարկներ), Երևան, Հայպետհրատ, 1946, 254:

⁸¹ Տե՛ս՝ Ե. Սարգսեան, էջ 57:

⁸² Մէկ այլ լուսանկարչի (՞) Հեղինակած նմանատիպ լուսանկարը տե՛ս՝ Նպատակ, 1994, Ապրիլ, թիւ 8 (27):

⁸³ Տե՛ս՝ V. B. Harutyunyan, Sobitiya V Nagornom Karabakhe: Khronika. Chast 1 (Fevral 1988 g.-Yanvar 1989 g.) (Դէպքեր Լեռնային Ղարաբաղում- փամանակագրութիւն, մաս Ա., Փետրուար 1988-Յունուար 1989), Երևան, 1990, Հայկական ԽՍՀ ԳԱ Հրատարակչութիւն, էջ 139-141, նաեւ՝ Լեւոն Մելիք-Շահնազարեան, Աղբրեջանի Ռազմական Յանցագործութիւնները Լեռնային Ղարաբաղի Հանրապետութեան Ռազադ Բնակչութեան Դէմ, Երևան, ՀՀ ԳԱԱ «Գիտութիւն» Հրատարակչութիւն, 1998, էջ 48-50:

⁸⁴ Իսկ դրա ուշալ հնարաւորութիւնը կար, քանի որ ԼՂԻՄում աւտոմորիլային հաղորդակցութեան բոլոր ուղիներն անց էին կացուած այն հաշուով, որ շրջկենտրոնները զուրկ լինեն ուղիղ կապից. մարզի մի շրջկենտրոնից միւսը մուտք գործելն անհնար էր առանց Ինքնավար Մարզի սահմաններից դուրս գալու, այսինքն՝ առանց աղբրեջանարնակ տարածքներ մտնելու (Մելիք-Շահնազարեան, էջ 46):

⁸⁵ Տե՛ս՝ «Լեռնային Ղարաբաղի Իրադարձութիւնների Շուրջ», Սովետական Հայաստան, 20 Սեպտեմբերի 1988, նաեւ՝ Վահագն Դաւթեան, «Բողոքում ենք», Սովետական Հայաստան, 21 Սեպտեմբերի 1988, նաեւ՝ Sumgait ... Genotsid ... Glasnost? (Սումգայիթ ... Յեղասպանութիւն... վերակառուցում), կազմողներ՝ Ն. Ուլուբարեան, Ս. Չոլեան, Ա. Արշակեան, Երևան, Հայկական ՍՍՀ «Գիտելիք» ընկերութիւն, 1989, էջ 49:

⁸⁶ Տե՛ս՝ V. B. Harutyunyan, Sobitiya (Իրադարձութիւններ), էջ 140-141, նաեւ՝ Բազրատ Ուլուբարեան, Արցախեան Գոյապայքարի Տարեգրութիւն, Երևան, 1997, էջ 87:

⁸⁷ Տե՛ս՝ Harutyunyan, Sobitiya, էջ 140-141: Այստեղ կարծիք է յայտնուում Խոջալուի դէպքերի նախօրօք կազմակերպուած լինելու մասին:

- ⁸⁸ Տե՛ս, մասնաւորապէս՝ Մերութան Կարապետեան, «Հայ Կաթողիկէ Թեմը Եւ Էթնօղաւանական Գործընթացները Նախիջեւանում XVII-XVIII Դարերում», Հ. Սահակ Ծեմճեմեան, Նախիջեւանի Հայոց Վարժարանը Եւ Հոռմը, Վենետիկ-Ս. Ղազար, Մխիթարեան Հրատարակչութիւն, 2000, էջ 6-21:
- ⁸⁹ Տե՛ս՝ Vladimir Khodzhabekyan, Bagrat Asatryan, "Iz Istorii Armyanskogo Naseleniya Nakhijevana," (Նախիջեւանի հայ բնակչութեան պատմութիւնից) *Հրաբեր Հասարակական Գիտութիւններ*, 1988, թիւ 6, էջ 26-27, նաեւ՝ Համլէտ Սարգսեան, «Նախիջեւանի Գաւառի Բնակչութեան Էթնիկ Կազմը Եւ Եարժընթացը Վերջին 200 Տարում», *Միջազգային Գիտաժողով, Նուիրուած Հր. Աճառեանի Գիտական Ժառանգութեանը Զեկուցումները Հիմնադրութեանը*, Երեւան, 1994, էջ 54:
- ⁹⁰ Այս առումով տե՛ս, մասնաւորապէս՝ Yuri G. Barseghov, *Genotsid Armyan – Prestupleniye Po Mezhdunarodnomu Pravu* (Հայերի ցեղասպանութիւնը – ոճրագործութիւն՝ ըստ միջազգային իրաւունքի), Մոսկուա, «ԻԱ- դար – Համաձայնութիւն» Հրատարակչութիւն, 2000: Այս աշխատութեան մի հատուածը (էջ 226-232) վերնագրուած է «Tseli "Belogo Genotsida" Armyan V Sovetskom Azerbajijane» (Սովետական Ազրբեջանի մէջ "Սպիտակ Ցեղասպանութեան" նպատակները), ուր անդրադարձ կայ նաեւ Նախիջեւանի ԻԽՍՀում իրականացուած «սպիտակ» ցեղասպանութեանը (էջ 226-228):
- ⁹¹ Տե՛ս՝ «Հայկական ՍՍՀ Առողջապահութեան Մինիստրութիւնում», *Սովետական Հայաստան*, 9 Յուլիսի 1988, նաեւ հմմտ.՝ "Masis: Lyudi Obretayut Spokoystviye" (Մասիս- մարդիկ ձեռք են բերում հանդարտութիւն), *Communist*, 3 Յուլիս, 1988:
- ⁹² Տե՛ս՝ «Հաղորդում», *Սովետական Հայաստան*, 30 Սեպտեմբերի 1988, թիւ 237 (20558):
- ⁹³ Հմմտ.՝ S. Oganyan, "V Masise Zharko" (Մասիսում շոգ է) *Pravda*, 16 Յուլիս 1988:
- ⁹⁴ Տե՛ս՝ Վրադիմիր Ամատունի, «Սովձգալիթը Եարունակուում է ...», *Գարուն*, 1989, թիւ 6, էջ 46-47, նաեւ՝ "Spravka Po Chrezvichaynim Proisshetviyam Na Predpriyatiyakh Armyanskoy SSR, Svyazannikh S Massovimi Zabolevaniyami Rabochikh" (Տեղեկանք Հայկական ՍՍՀ ձեռնարկութիւններում արտակարգ պատահարների վերաբերեալ, կապուած աշխատուորների զանգուածային հիւանդութիւնների հետ) (անտիպ):
- ⁹⁵ Ղարաբաղեան շարժման տարիներին 1949ի աքսորի անդրադարձի մասին տե՛ս, օրինակ՝ Սերօ Խանգաղեան, «Արիւնտ Վարագոյրը Դեռ Չի Պատուել», *Գրական Թերթ*, 17 Փետրուարի 1989, թիւ 8 (2328), նաեւ՝ Անտոն Քոչինեան, «Հայրենիքի Փշարարի Մէջ», *Գարուն*, 1989, թիւ 3, էջ 49-50, նաեւ՝ Ռուրէն Քամալեան, «Աքսորի՝ Տարբերակը», *Գրական Թերթ*, 16 Յունիսի 1989, թիւ 25 (2345), որտեղ հեղինակը 1949ի զանգուածային տեղահանութիւն-աքսորը համեմատում է ցեղասպանութեան հետ, նշելով, որ այն իրականացուել է ցեղասպանութեան կանխման եւ դրա համար պատժի մասին կոնվենցիայի ընդունումից կէս տարի անց եւ Խորհրդային Միութեան այդ կոնվենցիային միանալուց կէս տարի առաջ, նաեւ հմմտ.՝ *Գրիգոր Յարութիւնեան, Կեանքը Եւ Գործունէութիւնը* (կազմողներ՝ Ն. Միկոյեան, Հ. Աւետիսեան), Երեւան, ՀՀ ԳԱԱ Հրատարակչութիւն, 2000, էջ 10-12, 125:
- ⁹⁶ Ուսումնասիրութիւնների համաձայն, 1943ին զանգուածային աքսորի են ենթարկուել աւելի քան 93000 կալմիկներ եւ 68000 դարաշայներ, 1944ին՝ մօտ կէս միլիոն չեչէններ եւ ինգուչներ, 37000 բալկարներ, 183000 Ղրիմի թաթարներ եւն. (Մանուկեան, էջ 218-219):
- ⁹⁷ Տե՛ս՝ Մանուկեան, էջ 229-231:

⁹⁸ Այս հանդիպման մանրամասների շուրջ ժողովրդի մէջ շրջում էին գանազան, արդէն ժողովրդական երանգ ստացած տարրերակներ (Ստեփան Ստեփանեանց, Հայ Առաքելական Եկեղեցին Ստալինեան Բռնապետութեան Օրօք, Երևան, «Ապոլոն» Հրատարակչութիւն, 1993 (1994), էջ 163):

⁹⁹ Մանրամասն տե՛ս՝ A. Aleksanyan, "Dnevnik: 1949-1954" (Օրագրեր. 1949-1954), Սիրիր (անտիպ, 440 էջ):

¹⁰⁰ Աւելի մանրամասն տե՛ս՝ Ե. Լալայեան, «Գանձակի Գաւառ. Նիւթեր Ապագայ Ուսումնասիրութեան Համար», Ազգագրական Հանդէս, Ե. գիրք, 1899, թիւ 1, էջ 213-353:

¹⁰¹ Կիրովարդի Հայրնակ թաղամասը ադրբեջանցի շուրջ հազարանոց ամբոխի առաջին յարձակմանը ենթարկուել էր դեռևս 1988 Փետրուարի 28ին (Levon Melik-Shahnazaryan, Gandzak: Neutraechenniy Mir (Vospominaniya Ochevidtza) (Գանձակ. անմխիթար աշխարհ (ակննատեսի յուշերը), Ստեփանակերտ, 1996, էջ 12, նաեւ՝ Ս. Կապուտիկեան, էջեր Փակ Գորոցներից, Երևան, «Ապոլոն» Հրատարակչութիւն, 1997, էջ 334):

¹⁰² Մանրամասն տե՛ս՝ Melik-Shahnazaryan, Gandzak ..., էջ 63:

¹⁰³ Հանդիպման ընթացքի մասին մանրամասն տես՝ Կապուտիկեան, էջ 275-293, նաեւ՝ Ուլուբարեան, Արցախեան Գոյապայքարի, էջ 30-32:

¹⁰⁴ Տե՛ս՝ Ուլուբարեան, Արցախեան Գոյապայքարի, էջ 30, նաեւ՝ Զօրի Բալայեան, «Միայն Չյատուցուած Չարագործութիւնն է Չարիք Մնում», Ազգ, 27 Փետրուարի 1998, թիւ 33 (1536): Իր այս լրագրային յօդուածում Բալայեանը շարունակում է. «Ես մտածեցի, որ աշխատասենեակի տէրը բնաւ պատահաբար չէ, որ նշեց ոչ թէ ինչ-որ կողմից, ասեմք, 200 հազար, այլ հենց 207 հազար: ... Անկասկած, Բաքուից ստացուած զեկուցագրերում, ի թիւս այլ բաների, քննարկել էր նաեւ այն ահաբեկիչ միտքը, որ Ադրբեջանի մայրաքաղաքում բնակուում է 207 հազար հայ, որոնց կը մորթեն ադրբեջանցիները»: Բաքուի հայութեանը սպասուելիք ճակատագրի մասին բաւականին թափանցիկ ակնարկներ կան նաեւ Գորբաչովի 1988 Յուլիսի 18ի ԽՍՀՄ Գերագոյն Խորհրդի Նախագահութեան նիստի ժամանակ Հայաստանի Գրողների Միութեան նախագահ Վարդգէս Պետրոսեանի ունեցած ելոյթի առթիւ տեղ գտած բանավէճում ("Zasedaniye Prezidiuma Verkhovnogo Soveta SSSR" (ԽՍՀՄ Գերագոյն Խորհրդի Նախագահութեան նիստը), Izvestiya, 20 Յուլիս 1988, էջ 4:

¹⁰⁵ Ադրբեջանում ծաւալուած ժողովրդական շարժումը ղեկավարող մարմինը, որ Հայաստանի ու ԼՂԻՄի Ղարաբաղեան Շարժմանը հակադրուելուց զատ առաջ էր քաշում նաեւ այդ տարիների ԽՍՀՄում ծաւալուած ազգային-դեմոկրատական շարժումներին բնորոշ պահանջներ:

¹⁰⁶ Բաքուի հայութեան 1990ի կոտորածների մասին տե՛ս՝ Մոսեսովա, Ա. Յովնանեան, Բաքուի Զարդերը. Պաշտօնական Փաստաթղթեր, Ակննատեսների Վկայութիւններ Եւ Այլ Նիւթեր 1990 թ. Յունուարի 13-19ի Ողբերգական Իրադարձութիւնների Վերաբերեալ՝ Անհրաժեշտ Մեկնարանութիւններով, Երևան, «Նարեկացի» Հրատարակչութիւն, 1992, նաեւ՝ Ուլուբարեան, Արցախեան Գոյապայքարի, էջ 139-147, հմմտ.՝ L. H. Abramian, H. T. Marutyan, H. L. Petrosyan, Z. V. Kharatyan, "Misli Po Povodu Situatsii V Azerbajjane I Armenii (Yanvar 1990 g.)" (Մտքեր՝ Ադրբեջանի եւ Հայաստանի իրադրութեան առիթով (Յունուար 1990), Literaturnaya Armenia, 1990, N 4, էջ 106-108:

- ¹⁰⁷ Հմմտ.՝ «Հայաստանի նախագահ Ռոբերտ Բոչարեանը 1988 թուականին Ադրբեջանի Սումգայիթ քաղաքում ոճրագործության զոհերի յիշատակի կապակցությամբ այսօր ուղերձ է յղել, որում ասում է, որ այդ իրադարձություններն իրենց վայրագությամբ ցնցեցին միջազգային հանրությունը: «Միս կողմից արժանացան խորհրդային իշխանությունների ուշացած եւ ոչ համարժէք արձագանգին: Դրանք նաեւ դարձան սկիզբ Արցախի, Գարդմանքի, Գանձակի եւ Բաքուի խաղաղ հայ բնակչության դէմ ուղղուած բռնությունների նոր ալիքների,- ասուած է ուղերձում:» Ըստ Նախագահի՝ ազգային պատկանելութեան սկզբունքով իրականացուած սպանությունների եւ տեղահանությունների շղթան, որի ականատեսն են եղել շատ-շատերը, «ցեղասպանութիւն է» (ընդգծումներն իմն են - Յ.Մ.)», *Երկիր*, 27 Փետրուարի 2005:
- ¹⁰⁸ Մանրաման տե՛ս՝ Յ. Մարութեան, «Տէր-Զօր ... Սոււճալիթ ... Ատումակայան ... Նաիրիտ»։ «Յեղասպանութիւն» Հասկացութեան Սահմանների Ընդլայնումը Ղարաբաղեան Շարժման Տարիներին (1988-1990 թթ.)», *Նոր Ազգագրական Հանդէս. Գիտական Աշխատութիւններ*, 2005, թիւ Ա., էջ 78-88:
- ¹⁰⁹ Մանրաման տե՛ս՝ Յ. Մարութեան, «Մենք Պէտք է Կուուենք», էջ 416-423, 433-434:
- ¹¹⁰ «Դասադուլը Շարունակոււմ է», *Հայկական Ժամանակ*, 21 Փետրուարի 2004, նաեւ՝ Tamara Ovnatanyan, "Nauku Zabirayut V Armiyu" (Գիտութեանը տանում են բանակ), *Novoye Vremya*, 24 Փետրուար 2005: Բնութագրական է, որ նման որակումներ գործածոււմ են նաեւ սփիւռքահայ ուսանողների կողմից: Այսպէս, Կիպրոսի Մելգոնեան Կրթական Հաստատութեան փակման պլանների առիթով բարձրացած բողոքի ալիքի ժամանակ, Նիկոսիայում անցկացուած հերթական ցույցերից մէկին, ի թիւս այլ ցուցապատառների, կար նաեւ հետեւեալը. "This is a second genocide" ("Community Outraged as AGBU Announces Closure of Melkonian School in Cyprus", *The Armenian Weekly*, March 27, 2004 (Volume 70, Number 13).
- ¹¹¹ Յ. Մարութեան, «Մշակութային Եղեռն, Որն Ընթանում է Մեր Աչքի Առջեւ», *Ազգ.* 26 Փետրուարի 2005:

GENOCIDE SERIES: HISTORICAL MEMORY AND IDENTITY
AS REFLECTED IN THE DATES AND PLACES
OF THE PLACARDS RAISED DURING THE KARABAGH VIGILS
(summary)

HARUTYUN MARUTYAN

The author argues that the current mindset of the Armenians in most of Armenia was formed during the two and a half year period of the Karabagh Movement (1988-1990). Indeed, the Karabagh movement brought big changes to the Armenian mindset that had been formed during the seven decades of Soviet rule and to national Armenian identity.

It has been established that the theme of the genocide of the Armenians, that is the early twentieth century Armenian genocide as well as new massacres and pogroms that took place in the late 20th century, persisted as the most important expression of Armenian historic and collective memory during the Karabagh movement years. However, the expression of the theme underwent changes including the fact that the symbol of the victim that called for justice and sympathy was replaced by the fighter. Indeed, a new perception developed according to which the attainment of national goals can be achieved only through struggle. After these general observations the author analyses and decodes the dates and places that were used on the placards during the Karabagh movement vigils, the symbolism they represented and the concepts they bore.

Marutyan notes that both dates and names of places were used as keywords in order to fully express and convey the corresponding message and information. In this regard, the author states that the genocide theme was given first place after the Sumgait pogroms of February 1988, which were identified unequivocally with the 1915 massacres.

Thus, 1988 was put next to 1915 and the name of Sumgait next to Deir Zor, alongside the names of the other non-Armenian concentration camps of Bukhenvald and Auswich.

If Deir Zor had become synonymous with the Armenian genocide perpetrated by the Turks, Sumgait became synonymous with the late 20th century pogroms committed by the Azerbaijani Turks.

Marutyan analyzed fifteen placards that he called Genocide series placards. These depicted dates with generic messages intertwined with place names as further elaboration of the message transmitted.

Marutyan notes that certain dates went beyond a particular massacre and symbolized a whole series of killings and massacres.

In this regard, Marutyan highlights a number of dates and places with broader values, like Deir Zor, Bekhenvalt, Sumgait, Shushi, Baku, Khodjalu, Izmir, Hajun, Kunjular, Alexandropole, Cilicia, 1915, 1895, 1909, 1918, 1919, 1920, 1921, 1922, 1937, and 1988. Some of these dates and places were registered on the placards with numbers or figures or maps, providing further elucidation to the reader. In certain cases a triad of date, place and number has been depicted.

The author underlines the fact that in the post-Sumgait era, any danger that threatened the existence of any Armenian group, or any danger that the Armenians faced, was seen and perceived in the light of genocide. This meant a wider usage of the word genocide than was technically correct. For instance, certain environmental, social, or cultural conditions were dubbed as ecological genocide, biological and chemical genocide, cultural and spiritual genocide, etc.